

Tjerita
SITI RISANI
DENGAN
SUTAN NASARUDIN

SATU KISAH PERTJINTAAN
Yang telah kedadian di Lubuk Basung
Sumatera Barat

ISINJA BANJAK MENGANDUNG
NASEHAT SERTA PENGADJARAN
BAGI PEMUDA DAN PEMUDI

Tjetakan ke XI

13

Dikarang oleh :
SUTAN NASARUDIN
Bukittinggi

Hak milik : „TSAMARATUL ICHWAN“
BUKITTINGGI

DOKUMENTASI
LUKMAN ALI

[SILIK PERPUSTAKAAN
BALAI BAHASA PADANG]

HIBAH
DARI BAPAK LUKMAN H.
UNTUK BALAI BAHASA PADANG

[SILIK PERPUSTAKAAN BALAI BAHASA PADANG]


DITEGUNGAH IDL : 6 SEPTEMBER 2000

SM.1000/MERCA : H

KOLEKSI

No. KEMENTERIAN : 3226 / H / 2000 / S : 1615

KLASIFIKASI : 899.223.13




Tjerita
SITI RISANI
DENGAN
SUTAN NASARUDIN

SATU KISAH PERTJINTAAN
Yang telah kedjadian di Lubuk Basung,
Sumatera Barat

ISINJA BANJAK MENGANDUNG
NASEHAT SERTA PENGADJARAN
BAGI PEMUDA DAN PEMUDI

Tjetakan ke XI

Dikarang oleh :
SUTAN NASARUDIN
Bukittinggi



Hak milik : "SAMADATUL ICHWAN"
BUKITTINGGI

Menerbitkan tjerita-tjerita
(kaba-kaba lamo)

- | | |
|---------------------|----------------------|
| 1. Siti Risani | 9. Siti Djamilah |
| 2. Rambun Pamenan | 10. Pamuntjak Alam |
| 3. Magek Manandin | 11. Budjang Paman |
| 4. Untung Sudah | 12. Malin Deman |
| 5. Sari Bunian | 13. Intan Pangiriang |
| 6. Kambang Luari | 14. Budjang Tahia |
| 7. Si Sabariah | 15. Puti Talajang |
| 8. St. Manangkerang | |

Hak Milik:

„TSAMARATUL ICHWAN”

Bukittinggi

Pesanan harap dialamatkan pada:

„T.S. ICHWAN”

Kotak Pos 16

Bukittinggi

S. I. P. / IKAPI - SUMBAR.

No. 227 / IK-SB/3-61 tgl. 7-3-1961

S. I. PENAD No. 17 / M. / 1961.

D. P. K. N. No. B. 519 / 3654 / 4- 60.

R A L A T

Harap dibetulkan

Halaman	Baris	Ditjetak	Betulnya
14	29	utang	urang
	24	kahalamau	kahalaman
14	30	Imam Mado	Imam Mudo
28	5	hampo	hambo
22	20	Manolan	Manolah
	17	tabuawng	tabuwang
	19	njokau	njokan
30	27	Nasaradin	Nasarudin
37	18	Buugo	Bungo
41	33	dlsiko	disiko
	19	saruddiu	saruddin
	31	tuan-	taun-
43	14	kakul	kabul
46	18	kagang	dagang
46	28	Mudjna	Mudjua
49	13	arang	urang
51	29	Linduaug Bulan	Linduang Bulan
	27	deuai	denai
	14	paresa	pareso
55	22	ito	itu
60	11	nan	nak
62	25	nak	nan
66	31	lagudjo	lagunjo
73	12	diro2	kiro2

Wassalam dari Penerbit.
Bukittinggi, September 1961.

Tjeritera
SITI RISANI dengan SUTAN NASARUDIN

Si Upiak Siti Risani
duo djo Sutan Nasarudin,
Djangan diupek dagang kini
ambiak adjaran ka nan lain.

Alai2 tabang ka alai
tabanglah pipik duo tigo;
Kabalah lamo tabangkalai
kini di ulang2 pulo.

Tasia bukik kampuang Aua
merahnjo sampai ka Koto Tuo
Bialah lamo didalam lumpua
namun nan intan tatjelak djuo.

Tambilang dirumpun lansek
tasanda diruang lantai,
Dibilang sado nan dapek
nan tingga untuak nan pandai.

Dibawah baringin nan rimbun daun dimudiak Ku-
alo Ajia Merah pamedanan anak mudo2 sagalo anak
sutan2 tjukuik djo anak radjo2 namun dihari sahari itu
buluk kakjam nan balako. Pado maso dewaso itu hari-
jah djauah tangah hari alah pandjang Zohor maso nan-
tun * hampia badjawek dengan 'Asar sadangnjo rami di-
tapian' sadang babondong urang dilabuah katiko pu-
lang urang dari ladang nan si Bujuang Sutan Nasaru-
din lah pulang pulo dari tapian naiklah injo ka ateh
rumah didjamuakan anduak dilangkan dilatakan sa-
bun ditampeknjo lalu katangah biliak dalam.

Dibukak lamari tjamin diambiak pakaian diri na-
mun pakaian lah tasadio badju gewang balilin dipase-

rong bugih nan baluih sarawa batiak Pakalongan raginjo daun bungo mawar batjampua hitam merah djambu itu nan kambang maso nantun batopi suto salalu mangendeng tajah kamuko.

Dilihek pulo kadjarinjo tjintjin ameh tatahnjo intan buatan anak rang Bandjarmasin rantjak nan tidak rantjak bana sadangnjo manih dipandang mato sadang elok patuiknjo tibo dilihek tantang pakaian dihetong barang tjiiek2 tidak barapo dang haragonjo tagah dek pandai urang mamakai pandainjo mahagak mahagiahkan tahu maukua djo mamatuik namenjo urang makan pakai.

Tapi samantang pun baitu pulang ma'alum ka nan tahu :

Silasiah dipadang daratan
• balai Kamih di Koto Tuo,
Elok djo manih bapatutan
dipandang mato manih djuo.

Taluak Kasai djalan ka Lundang
lah ranun buah andaleh,
Salasai mato dek mamandang
sapantun bulan ampek baleh.

Sarai sarumpun djo pitulo
dibaliak batang kuwini
kapunduang djo kaju balam,
Siriklah puti kadjudunjo
antah kok Siti Risani
urang Malaju Kampuang Dalam.

Pado saat itu djuo alah datang ajah kanduanganjo ajah dek Sutan Nasarudin duo djo Puti Ambun Suri mandeh dek Sutan Nasarudin. Pihak kapado dang baliuh dilibek lamari alah tabukak kok kain alah batabu-

ran resirok darah didado tagamang raso paratian disangko rang maliang nanlah datang diadjun langkah salangkah lai dipandang arah katangah kamedja batu balilin kalampu bagantuang tinggi katjamin nan bagandungan tampaklah anak Nasarudin sadang mamatuik-matuik diri sadang batjamin-tjamin muko dilihek anak alah susah balain dari nan biaso batuka dari nan lamo bakato sanan nan djadi.

„Anak den Sutan Nasarudin bungo pamenan dalam kampuang limpapeh rumah nan gadang pauni andjuang nan tinggi balahan njao nan sati sibiran tulang nan kanan,

Apokoh sabab karanonjo apokoh sabab damikian barubab dari nan biaso balain dari nan sudah dimano galanggang nan tapantjang dimanokoh urang tjantjang tindiak etaukoh urang alek djamu dimano kabau nan tatambang handak kamano anak kini „

„Sanan mandjawab Nasarudin :

Disusun djari nan sapuluah tunduak kapalo kahadapan tandonjo anak bapangadja urang hormat ka ajahno sarato ka ibu kanduanganjo;

„Manolah mandeh kanduang diri sarato ajah kanduang hambo tidaklah urang alek djamu tak ado urang tjantjang tindiak tidak galanggang nan tapantjang. Ato hanjo kan sabuah namun dihari sahariko urang nan sami drkualo ijo di Baringin ran rimbum daun dibalai pamainan anak mudo2 hambo taragak nan kakiun nak poi badjalan-djalan sambia mambuang paluah buruak malihek ambuang sipak rago utang malapeh lajang2”.

Tadanga dikato itu mandjawab sanan ajahnojo :

„Koklah baitu tjinto hati koklah baitu niat bujuang

ajah malapeh djo suko hati mandeh lapeh djo rilah pu-lo. Tapi samantang pun baitu basugirolah anak badjanan. Kok untuang lakeh bujuang pulang.

Himbaulah Budjang Salamat suruahlah pasang kudo hitam kudo hitam kudo pingitan kaki nan radjah ka-ampeknjo sisunduik tupai managun kaniang bangkah mandaun bodi ambiaklah bendi dalam kandang bendi kareté bendi daleman buatan tukang di Batawi”.

Dek arif Budjang Salamat dek tjakap injo bakaradjo balun disuruah injolab pai dituruikenjo parentah kasadonjo tidak sabuah nan babandiang.

Lamo sabanta antarenjo alah basil sado nan pragu no sanan mahimbau si Salamat:

„O tuan den Sutan Nasarudin harilah hampia patang djuo agak kok pulang urang dibalai kok langang urang di Beringin eloklah tuan basugiro”!

Tadanga dikato itu ijo dirundiang si Salamat rang mudo Sutan Nasirudin lalu turun hanjo lai katangah lanian nan pandjang kakabun bungo nan baririk kabatang kamuniang hutan malihek arah kakabun kudo alih sudah bapasang bendi alah barasiah pulo tidaklah ado katjatjekno namun Salamat urang nan bidjak bijjak aka bidjak bitjaro.

Alah naik Sutan Nasarudin baduo dengan budjang Salamat si Salamat duduak dimuko les dipegang djo nan kida nan suok manakankan lontjeng.

Dek kudo masak adjaran baru mandanga lontjeng babuni namonjo kudo nan pingiten lalu mandarap mangguratiah. Kadang2 manduo katak kadang2 manduo kareh kapalo tagak ikuanje tagak sapantun sarei dibantakan.

Agak dek Sutan Nasarudin alah duduak diateh bendi basanda arah kasuduik tangan dipangku kaduonjo hati gadang batjampua suko suko nan bukan alang2 saraso diateh awan biru maklumlah kito tantang itu hanjo baitu lah tu kini.

Kaba baraliah hanjo lai sungguah baraliah sanan djuo aliahnjo kapado Siti Risani anak rang Malaju Kampuang Dalam. Pado dihari sahari itu hari paneh ribuik mandanguang alang ba kulik2 djuo diateh putjuak batang kapeh man-daju2 paratian bati hibo2 rusuah pangana djauah2 hampia awak surang tingga dirumah kok mandeh pai kaladang ijo didjerong Tandjuang Subaliak. Kok nan bungsu mahantakan nasi ejahnjo pai kabalai namonjo urang baniago.

Lalu diambiak samaso itu ijo pamenan satiok hari untuak parintang-rintang rusuah sabablah pueh dek mandjahik panek malukih manarawang ijo kutjapi djanjo urang lalu badjuntai dikurisi mahadok kalabuah gadang malibek urang lalu linteh.

Namun dihari sahari itu urang nan rami ka Baringin sagalo anak mudo2 sagalo anak sutan2 bulek kakian samuanjo dipaluak kutjapi djo tangan suok tangan nan kida mamainkan. Lorong kapado dang pandainjo latenglah gaduh katandianganjo pandai injo bamatjam lagu pandai balagu intjek Siti pandai balagu Tari pajuang Pandai balagu tari pitiang.

Pado maso dewoso itu lagunjo bahibbo-hibo lagu-ijo barusuah rusuah kadang2 Karontong Pandan adang2 Salendang Majang Intjek Siti tingkah maningkah bau-leh djo Tari pajuang Allahu Rabbi samaso itu ajia hitia iatahan tahan mandangkaan kutjapi nantun sadap

isonjo ditalingo sananglah hati mandangkan..

Pado sasa'at itu djuo gadih malihek kahalamau ta-iuh kalabuah nan gadang malihek ragam urang nan lu satangah badjalan kaki satangah naiak kareta ado iateh kudo tunggang ado nan naiak bendi kareta.

Sadang sigadih kamanuka lagu mandariang bunji intjeng bendi takadjuik sajang maso itu lalu malihek ijo kalaman ijo katangah labuah gadang tampaklah ibuah bendi tampannjo bendi urang kajo ruponjo ben-i sutan2 dipandang urang nan manumpang ijo diateh endi nan rantjak tampaklah surang anak mudo rupo-jo anak radjo2 romannjo rantjak bak gambaran sarik ih puti kadjudunjo didalam Kualo Ajia Merah.

Awak malihek injo mantjaliak samo batamu paman-angan samo tasirok darah didado samo takana kasiah ijang samo tasurek disanubari antah pabilo kasampai-jo. Tapi samantang pun baitu apolah garan kadisa-uk kudonjo balari djuo mahiliakan labuah nan pan-jangtu.

Pado saat kutiko itu dek malihek katangah labuah iolah gadih Siti Risani tak batantu nan kadiawainjo tidaklah njaman barang dikakok tatjampak kutjapi dari ingan putuih talinjo maso itu sanan tamanuang Siti Risani lalu tapakua barusuah hati batubah muko djo omannojo alah murami dipandang djaush alah puda di-pandang hampiang gadih batupang daguak djuo ajia nato badarai darai bak maniek putuih talinjo bak in-⁸9 putuih pangarang djatuah tjiiek djatuah duo lalu n¹⁰ pantun baibarat :

Kanari ditambah lapang
satumpun djo batang pauah
balim birugo nak tang djao,

O nuri nan sadang tabang
bao manompang dagang djauah
nak -djan sarupo iko djuo.

Kalau bak iko rago2njo
kabarat tjondong silaronjo
Kalau bak iko rupo2njo
mularat untuang kasudahannjo.

Tjintjin parmato nak rang Kadai
dibali radjo di Narumun.

Ajia mato ba dara2
dibao lalok bakalumun.

Baapolah gadih maso nantun kito tinggakan sadjo
dabulu.

Diulang kaba ka Nasarudin injo nan sadang di
ateh bendi baduo dengan Budjang Salamet namun sa-
rantang padjalanan lapeh nan dari rumah gadang ta-
lampau kampuang Bungo Inai tibo dilabuah duo basim-
pang sasimpang djalan Pulaud Uduang ijolah karantau
Pasisia Baru kamuar Batang Patimah sasimpang ka-
Kualo Ajia Merah didjerok Tandjuang Subaliak. Kam-
puang nan tigo sadjadjaran ijo Malaju Kampuang Dalam.

Dek lamo lambek didjalan kok djauah mandjalang
sampai alah sarantang padjalanan mandjalang Malaju
Kampuang Dalam. Pado sasa'at sakutiko tadanga dek
Sutan Nasarudin ijo bunji kutjapi Djapun burjinjo
tinggi2 randahan lagunjo babagai-bagai bunji bak su-
liang bansi Tjino kadang2 Salendang Majang kadang2
Karontjong Pandan mambao rinsau paratian kudonjo
tataruang tidak tahu tjamiahlah djatuah dari bendi.

Pado maso dewaso itu Allah nan sudah maantuang-
kan malihok injo kasuok ijolah Sutan Nasarudin ti-

daklah djauah dari labuah ado antaro tigo dapo tam-paklah surang parampuan duduak badjuntai dikurisi ma-hadok kalangkan muko sadang bamain djo kutjapi dji-ko ditaksia dang umuanjo diagak di patuik2 kiro2 duo puluah tahun sadang ketek mudo matah tampannjo ba-lun basuami.

Dilihek laku parangainjo sapantun dewa dari kaja-nagan muko nan bak bulan panuah rambuik karuik hitam samato bulu mato maningkek kaniang pipinjo kuniang pauh dilajang hitam satitiak nan marusuah bak paneh sadang patang bak ambun turun taengah hari bak manduang ditimpo paneh.

Bakutjak iman sibujuang kutiko manampak padja nantun balasia darah didado dek mato palingan Allah dek hati pajangan sjetan tapidjak lontjeng di kaki ta-kadjuik padja nan duduak injo malihek awak mantjaliak samo batamu pamandangan samo2 djatuah kasanubari mandjadi rindu djo dandam tagamba didalam hati ti-daklah dapek dihilangkan kudo balari kantjang djuo bakato sanan nan jadi:

„O bujuang Budjang Salamat siapo namonjo anak rang tadi nan duduak dilangkan rumah asiang bana rupo padja tu”, mandjawab Budjang Salamat:

„Tidak malah tuan tahu kan itu Siti Risani bu-ngo pamenan Kampuang Dalam kambang Kanango djajo urang itu idaman anak mudo2”.

Mandanga djawab si Salamat rinsaulah raso parati-an tipi baapo mangatokan ditaruah sadjo dalam hati salamo lambek nan badjalan hampia katibo hanjo lai ijo dibaringin rimbuun daun tantang Kualo Ajia Metah afah tibo injo disanan rami nan bukan alang2 sagalo

anak Sutan2 baik anak rang kajo2 bulek kakiun nan balako. Satangah bamain kudo rintang bakudo hilia mudiak satangah barambuang sipak rago rintang baka-dja hilia mudiak satangah bamain tjatua rintang dime-dja patjaturan pendeknjo sadjo dikabakan pihak dihari sakari itu sagalo matjam parmainan ataupun matjam kapandaian.

Pihak dianak mudo2 saketek tidak buliah tingga kununlah Sutan Nasarudin alah turun dari ateh bendi malibek hilia djo mudiak sapantun alang kamanjemba mantjaliak kiri djo kanan alah rembang mato dek malihek tak tantu nan kadituruk batjampua hibo dengan rusuah tidaklah hilang didalam hati tagamba djuo dipikiran diruang mato salalu talukih disanubari tanganan anak urang tadi nan tampilak ditapi labuah tangiang2 ditalingo bunji kutjapi bansi Tjino tidaklah lupo dalam hati dibao badjalan maso itu kabawah baringin nan rimbun daun tampek badjalan Sutan2 tampek bamain radjo2 dimasuki malah pamainan diambiak anak patjaturan anaknjo intan dengan podi alah bamain maso itu dibawah baringin nantun agak dek Sutan Nasarudin dilihek laku djo parangai kadang2 injo bamanuang kadang2 injo tatagun bakato kawan disanan.

„O tuan Sutan Nasarudin apo sabab tuan ramnuang apo sabab tuan managun” sanan mandjawab Nasarudin :

„Sababnjo hambo dek tamanuang ijlolah hambo taragun2 mantjiri aka dengan budi mantjari djalan patjaturan”, tapi samantang pun baitu maklum pulang kanan tabu apo takiro maso nantun ijlolah kembang kanganjo nan tampak sakileh sadang lalu tubuhnjo sa-

djo nan dimedan angan2 basimpang ka nan lain kalau
dibetong kamanangan pihak di Sutan Nasaruddin tigo
djam labiah djo kurang tidak manang agak sakali mak-
lumlah kito tantang itu pikiran tidak digalanggang lai.

Buruang mantilau nak rang Matua
dibao kaladang Koto Tuo,
Sungguah baliau duduak batjatua
pikiran ka sikambang djuo.

Pado maso dewaso itu harilah patang hanjo lai pa-
nehlah linduang2 bukit pasalah langang bak kian kok
duduak tumpak batumpak kok tagak dgorong mandjo-
rong uranglah langang batang katjang dilihek Sutan
Nasarudin kok tagak injo bamanuang kok duduak injo
bamego rupo djo roman alah barubah kok galak da-
rok sadarok bak paneh manganduang hudjan urang ba-
ansua pulang djuo daganglah pulang tjiiek2 pasalah la-
ngang hanjo lai alah datang sanan Budjang Salamat
dituruik Sutan Nasarudin ijo kabawah baringin tadi la-
lu bakato si Salamat:

„Tuan den Sutan Nasarudin apo pikiran tuan mu-
do kok hari alah rembang patang uranglah langang
samuanjo kudo lah sudah hambo pasang elok barang-
kek kito kini kok tjameh tuan mamikiri pihak didiri
tuan mudo”.

Takatjuik Sutan Nasarudin sarupo urang djago ti-
dua malengong kiri djo kanan matohari alah tjondong
pulo tidak batapo tingga lai lalu naiak ka a teh bendi
si Salamat mamegang les babunji lontjeng sakali kudo
mandarap mangguratiah larinjo kantjang bukan main
namonjo dagang kapulang agak dek Sutan Nasarudin
malihек djuo kiri kanan tidaklah tampak anak rang tja-

ko nan duduak dilangkan rumah salamo lambek didja. lan hampia katibo hanjo lai diranah kampuang Bungo Inai di Pajuang Kapeh Pandji batu nan harok2 tjameh. Kambang Kanango baa kini alah lamo tidak basa- buik antah lah lupo tu kini anak rang Siti Risani Kambang Kanango Kampuang Dalam injo nan tidua bakalumun antah ba apo si upiak Siti Risini pado maso dewaso itu harilah laruik rambang patang pihak kapado ne n mandebnjo nan banaro Dajang Daerah lalu pulang hanjo lai didjerok Tandjuang Subaliak baduo dengan adiaknjo sibunsu Siti Rusinah.

Pihak kapado nan adiaknjo dilihek kakak bakalumun susah ruponjo dipandangi duduak batupang da- guak djuo tatjameh didalam hati lalu batanjo hanjo lai : „Kak tuo kakak hambo kak gaduh Siti Risani apo sabab damikian ba apo kakak bakalumun rusuah djo duko kalihatan siapo kolah nan berang bapak djo mandeh kok nan bangih balun ado sarupo iko antah kok kakak kakurangan pihak dimakan dengan minum ataupun kain dengan badju”. Tadanga dikato itu man- diajab Siti Risani :

„Manolah adiak kanduang hambo sibunsu Siti Ru- sinah dangakan malah hambo katokan djokok salorong minum makan ataupun kain dengan badju satupun ti- dak kakurangan balabiah usah disabuik mandeh djo bapak kasiah sajang nan tidak ado bakalabihan adiak tjaliak malah iko dibawah medja tu kini tali kutjapi nanlah putuih sakali hambo mamatiak ganok katigo injo putuih itulah hambo rusuahkan itu sababnjo ham- bo manangih kok tahu mandeh djo bapak njatolah hambo kaberangan mantjari hambo tak tahu rintang

malindang mahabihkan ba'a lah untuang hambo adiak".
Tadanga dikato itu mandjawab sanan nan bunsu :

„Kok hanjo salorong tantang itu tantangan tali kutjapi tak patuik kakak ka bak nangko tidak barapo haragonjo tidaklah bapak nan kaberang alunlah mandeh nan kabangih untuang tak kakak nan binaso kunnun salorong tantang itu bialah adiak mangatokan kapado mandeh djo bapak kakak pasanang malah hati. Tapi samantang pun baitu djiko dilihek hambo pandangi hambo lihek raso djo pareso dipandang lahia djo batin asiang raso Jain nan tampaktapi ba'a lah mangatokan hambo tak tahu dimulonjo".

Mandanga djawab adiak kanduang badasia darah didado tapantja paluah dikaniang rahasio raso katabukak dihapuih sadjo malah paluah.

Agak dek Siti Rusinah takuik dimandeh nan kaberang takuik diajah nan kabangih dikabakan ba elok2 diambiak kutjapi nantun dibao kamandeh kanduang mandehnjo sadang batanak sadang mangadang2 nasi bako sanan sibunsu :

„Manolah mandeh kanduang hambo dangakan malah dek mandeh kakak tuo kakak hambo. Kak gadih Sihi Risani injo kini sadang manangih sadang ditamipek katiduran tidua bagaluang bakalumun heranlah hambo mamandangi rusuahlah hambo maliheknjo lai disudi hambo siasek nandjawab injo sadu sadan.

„Libek dek adiak kutjapi tu alah lindang putuikh talinjo dek ulahnjo tangan hambo sakali hanjo hambo patiak tjukuik katigo injolah putuikh libek dek mandeh komah injo. Tapi samantang nan baitu usahlah mandeh bangih berang kakak hambo pahibo hati kak tuo

sangaik parusuah mularat apo kagunonjo pulang mak-lum pada mandeh rundiang tasarah pada bapak".

Mandanga rundingan nan baitu agaklah Dajang Daerah balasia darah didado putuih nan tidak bakarano talinjo baru batukari heranlah hambo mamikiri salaruik salamo iko itu karadjo patang pagi nan tidak pasai2njo tidak basuo nan bak kini antah kok pikiran nanlah salah angan2 kamari tjewang tak dapek manantukannjo. Tapi samantang pun baitu ditimbang kapado anak dirangkuah kabadan awak takana mudo dahulu samaso awak mudo matah maso baumua limo baleh hati nan ramang2 bedo pikiran kamari pai sadangkan priangan ditangan lai namuah djatuah balah patudjuah lai basuo kamanjasa awak ka anak kaberang bana awak ka injo hatinjo batambah rusuah rusuah kok mambao larek kok larek apo kagunonjo awak baduo tingga surang apolah tenggang awak kini dipulangkan sadjo kapado Allah.

Namuñ dihari sahari itu harilah patang hanjo lai patang badjawek dengan sandjo sandjo badjawek dengan malam alah sampai tapasang dama wakatu magrib nan lah cibo tadanga abang urang disurau kalalawa tabang sikua2 mantjari rasaki masiang2 dipandang kabatang kapeh alah hidjau rupo daunnjo pihak nan bunsu dijono nan tangah karadjo baasiang2 bahumpuk sijang tijek surang nan bungsu sadang batanak nan tuo sadang manggulai baitu urang basudaro nan tidak salah nijalahi

Ditatiang nasi katangah rumah pada maso dewoso itu alah pulang garan ajahnjo ijo Tuanku Imam Mudo dilihok nasi alah talatak kok kop i alah batist lalu di-

basuah malah tangan alah makan basamo-samo ijo si-bunsu djo nan tangah duduaknjo badakok-dakok na-mun sabanta antaronjo alah sudah minum djo makan basugiro nan bunsu tagak nan tangah mabiriangkan pu-lo lalu bakameh maso nantun.

Nan bunsu manatiang tjabuak nan tangah ma ang-kek piriang alah habili tasimpan lalu diambiak malah sapu disapu rimah nan taserak mandeh djo bapak ma-mandangi sanang rasonjo paratian.

Pado maso dewaso itu pihak nan bunsu djo nan tangah taruih katampek katiduran ditariak banta sabu-ah dikambangkan kasua sabatang alah tidua sajang ba-duo tapi apo akan disabuik pihak sigaduh Siti Risani matonjo tidak namuah lalok pikiran djauah2 hampiran dimano nan manggaduan maklum sadjo lah tu kini.

Kunun Tuanku Imam Mudo alah tidua sajang nan baduo alah lalok bunsu djo nan tangah tabik pikiran maso itu lalu diimbau dang ibunjo nan mandeh Siti Risani.

Adiak kanduang Dajang Daerah agak kamari ma-lah duduak baolah siriah nan dipuan elok kito badam-piang-dampiang kito babisiak-bisiak ketek kito barun-diang-rundiang haluih siupiak baduo djan mandanga ki-ni pikiran hati hambo ado sabuah nan taraso nan ta-kana didalam hati pihak dianak kanduang kito kalau dipandang injolah gadang ijo sibunsu djo nan tangah lazim biaso diurang banjak kok katjang patuik badjun-djungan parampuan patuik basuami kawan nan samo gadang djo injo alah badjundjungan kasadonjo anak kito hanjo nan balun agak kok disabuik-sabuik urang kok urang nan bidjak kini kok denai baitu pulo didalam

kampuang satumpakko dalam Malaju Kampuang Dalam dirumah tigo sadjadjaran tampek malu dek nan banjak useslah rundiang dipandangkan pihak sakarang iko kin' alahkoh tampak nan katudju alah koh tampak djudu batu tjubo kabakan pada denai".

Agaklah dek Dajang Daerah pada maso dewaso itu duduak basimpuah tatjampak sapah siriali sarinjo naik kamuko rundiang badjawab maso nantun:

Manolah tuan kanduang hambo dangakan malah tuan kanduang tantangan anak kanduang kito ijolah patuik basuami alah patuik kito mangiroi ijo bak kato tuan tadi. Tapi samantangpun baitu kok tampak balun kalihatan katudju balun lai basuo tjubolah tuan pandang2 pandang djo lahia dengan bathin kok dapek untuang saparuntungan hambo manuruik tantang itu pulang maklum pada tuan kok pihak katangah rumah buliahlah hambo sugirokan".

Mandjawab Tuanku Imam Mudo:

"Kok alah baitu kato kau mananti adiak sakutiko denai pikijakan banq2 agak sahari duo hari atau sapan kan kalamonjo rundingan putuih maso itu:

Kapa balajia ka Bangkahulu
sauah dibongka satu duo,
Kaba baraliah tantang itu
sungguah baraliah sanan djuo.

Baraliah kapado Sutan Nasarudin anak rang kampuang Bungo Inai urang Piliang Kapeh pandji.

Kununlah Sutan Nasarudin alah tibo injo dirumah pakajan dibukak maso itu tahanjak diri maso itu dia teh kurisi rotan mahangok maharang pandjang tubuah lab lajua2 latiah sapantun taleh digulai baram Allah

injo kok mandi minum makan haram takana ajia di-minum raso duri nasi dimakan raso sakam paham patjah angan2 tjewang dimano duduak injo bamanuang dimano tagak injo bamego tak tantu apo kadiسابويك paham rusak aka tatumbuak tatumbuak dibadan surang surangpun tidak urang nan tahu kabatjakak awak djo untuang bak parahu dilamun ombak lajia parah pan-darek putuih tarapuangs-apuangs ditangah lauik musim-pabilo kasampainjo badan djo sia kabatenggang antah kok nan samo marasoi.

Dek lamo duduak bamanuang dek lambek tagak bamego manimbang itu djo nan etan tabik pikiran dek rang mudo diambiak karateh maso itu dikarang surek saputjuak ganti pñanawa rindu dandam ikolah bunji surek injo :

Rindu djo dandam dagang djauah.

„Udjuk sjah paham sarikat manantang wadjah tjinto hati tali djantuang limpo bakuruang ubek dandam nan tak sudah karangan suri nan tagantuang ditaluak tapian mato ditalago rindu djo dandam dihulu muaro tjinto dikoto bulakan kasiah dimedan kumpulan sajing sambah sudjud salam ta'azim ijolah surek nan saputjuak kaganti tubuh badan diri supa'at badjawek tangan hubungan dandam tjinto hati palipua hati nan rindu bawa mangko ba akia ba asa mangko bamulo basabab mangko mandjadi.

Adat dikatokan ba asa limbago hudjan nan bapuhun samo bak bungka djo naratjo nak samo naik katinimbangan mantjari putih tahan sasah hitam nan tahan tapo haluih nan tidak dapek sisiah putih nan tidak bakotoran hukum adia manahan bandiang bana

nan ijo tahan sudi.

Adiak kanduang rakanan sajang kambang kanango
nan harum siupiak Siti Risani tjubolah pikia malah dek
adiak namun salorong tantang iko timbang dek adiak
pamanuangkan kanalah untuang badan hampo pada
wakatu iko kini awak miskin dunia nak sato sajok
senteng tabang nak tinggi tapi samantang pun baitu
nan bak kato dagang tadi ijo ba asa mangko bamulo
basahab mangko mandjadi tjubo kana malah dek adiak
hari bulannjo hambo lah lupo agaklah nan sahari itu
dagang nan pai kabaringin ka Kualo Ajia Merah ka
balai pamédanan anak mudo2 dimulonjo iman karusak
katumbuah samatjam iko dek ulah kutjapi Djapang ta-
ngiang2 ditalingo ta bajang2 dimato tidaklah lupo ba-
rang sasa'at tidaa sakalok djadi rasian tasintak takana
pulo baitu lareknjo paratian.

Salimbak nan dari pada itu randah gunuang tinggi
harapan niat mukasuik djo sangadjo kahandak mintak
di isi niat mintak disampaikan mukasuik tjinto dalam
hati djanganlah adiak salah tarimo handak mamakan
buah nan ranun handak manjasok bungo nan kambang
kok lai buliah sadamikian bungo kok dilarang kumbang
kok banjak injo nan mandjago bagantuang sadjo diran-
tiangojo bapegang sadjo didaunnjo paubek rindu djo
dandam panawa bati nan tjlako kok tidak adiak pa-
tenggangkan tampan tabuang badan diri mularaik un-
tuang dagang sansai rundiang dituka djo ibarat:

Kualo Jaman Koto Marapak

tampak nan dari tanah lapang,

Mulonjo iman ka rusak

dek ulah kutjapi djapang.

Tampak nan dari tanah lapang
alah rami balai Sinajan,
Dek ulah kutjapi Djapang
mambao larek paratian.

Salasiah puun di Koto Tudjuah
tumbuah sarumpun djo marapolam,
Kasiah ditanam balun tumbuah
iman bakutjak siang malam.

Tumbuah sarumpun djo marapolam
dibaliak batang tjampago,
Iman bakutjak siang malam
mambajang rasonjo Kambang Kanango.

Pisang manih masak badjantuang
djatuah malajang daun tuonjo,
Kasiah baputa dalam djantuang
musin pabilo kasampainjo.

Djatuah malajang daun tuonjo,
sampan tatumbuak kamuaro,
Musim pabilo kasampainjo
tolong dek adiak djo bidjaro.

Lajang2 sutan dilampai
tampak nan dari Tandjuang Pati,
Alang sariknjo sajang tak sampai
kasiah maratjun dalam hati

Tampak nan dari tandjuang Pati
tabukak tambang dikanandam,
Kasiah maratjun dalam hati.
mambao panjakik rindu dandam.

Salasiah puan di Koto Mambang
ditampek Rawani batanun
dibaliak batang dalimo,

Kok buliah bungo nan kambang
kok dapek buah nan ranun
awak timbang sakati limo.

Ditampek Rawani batanun
anak rang kampuang Balai Polam
alah kambang bungo sitawa,
Kok dapek buah nan ranun
haramlah lapeh siang malam
kaganti ubek djo panawa.

Gulamo ditudjuah koto
dibubuik tjapo dihampehkan
kambanglah bungo nak rang Darek,
Mulo asanjo tjlako mato
diharok kasiah adiak sampaikan
nak djan lamo dagang mularaik.

Dibubuik tjapo kami hampehkan
lajiakan kapa Kasiangi
singgah kaladang nak rang Buo,
Harok kasiah adiak sampaikan
kok tidak buliah musim kim
tahun datang djadi djuo.

Balam birugo tapi djalan
dipikek Sutan Dilampai
alah kambang bungo malati,
Lambek rago didjalan
djauah samantaro sampai
lamo sadikit hambo nanti.

dipikek Sutan Dilampai
rami galanggang nak rang Magek
kapakan mambali bawang,

Nan kajo mukasuiknjo sampai
nan miskin ansua basulambek
didajuangkan djuo samo surang.

Bungo tjulan dilereng tandjuang
kasuntiang dewa dikajangan,
Maso dirahim bundo kanduang
bungo malati djatuah katangan.

Tampak nan dari lereng tandjuang
singgah sabanta di Kurintji
babelok ka Tandjuang Pati,
Maso dirahim bundo kanduang
disanan kito badjandji
sakarang kito manapati.

Suto Atjeh kami pilinkan
pandjarek bungo di Kinari,
Sungguah surek dagang kirimkan
kaganti njao badan diri.

Tjampago madang dihulu
ditutuah urang gubalo,
Sahinggo iko malah dahulu
isuak kito sambuang pulo.

Dari kakanda dagang djawah
Sutan Nasarudin.

Aluran Sutan Nasarudin alah sudah surek dikarang
alah tjukuik pantun djo ibarat lalu dibungkuih hanjo
lai sanan diimbau Budjang Salamat mano Salamat bu-
djang denai agak kamari malah bujuang rundiang ra-
gio ado sabuah simpan dek bujuang mari2 surang dja-
ngan dibari tahu tolong hantakan surek hambo ka-
Malaju Kampuang Dalam karumah Kambang Kanango
siupiak Siti Risani surek taundjuak bujuang pulang usah-

lah banjak2 kato jagak kok tahu urang lain dek tjakap Budjang Salamat dek arif didalam hati tantangan rumah Kambang Kanango tahu tak rago ditundjuakkan bakato didalam hatiojo tampan tjilako tuan mudo lalu bapantun samo surang.

Pujuah didjarek nak rang Lubuak
sampaan tatumbuak ka Taratak,
Sungguah kawek nan dibantuak
ikan dilubuak nan diagak.

Diambiak malah surek nantun diambiak pulo sabis djo radjuik pa hilang2kan djadjak budi nan djang an kalibatan badjalan sanan si Salamat karumah Kambang Kanango namun sabanta padjalanan dakek alah basaram hampia alah tibo injo hanjo lai dapat ijo sadang mandjahik sadang mandjarum mandjarumek dimuko dilangkan rumah sadang berusuab2 hati digilo daondam nan tak sudah malengong injo kahalaman tajraklah Budjang Salamat balasia darah didado mahimbaun sanan si Salamat:

„Manolan atjiak kanduang bambo kak gadih Siti Risani ado urang bakirim surek dimintak atjiak tarimo lalu dibarikan malah surek surek taundjuak kasikambang ditarimo dengan hati sulo lalu badjalan hanjo lai baitu pitaruah tuan mudo.

Surek taundjuak urang badjalan tidak buliah tanjo sapatah lalu dibukak malah surek dibatjo sanan nan djadi dari awa sampai ka akia saketek tidak nan tingga sa ambun tidak nan talampau alah sudah surek dibatjo dimasukkan kalatji masin malengong kiti djo kanan surangpun tidak urang nan tahu.

Agaklah nan samaso itu duduak tamanuang mami-

kiakan tak njaman barang dikakok alah kusuik banang
sikotji pandjahit nan tidak namuah elok.

Tapi samantang pun baitu karadjo disudahkan djuo
bagaimano akan namuahnjo pa hilang2kan djaejak budi
nan djangan kalihatan.

Pado hari sahari itu harilah patang hanjo lai pa-
tang badjawek dengan sandjo alah sudah tapasang dama
alah sudah minum djo makan pai katampek katiduran
alah tidua bunsu djo nan tangah agaklah dek Siti Risa-
ni mato nan tidak namuah lalok kiro2 badjalan djuo
mamikiakan surek nan tibo dari rang mudó Nasarudin
ba a rasio manjimpannjo kok dapek dek mandeh kan-
duang tampan tabuwang badan diri baalah mambaleh
surek injo surek urang patuik dibaleh takana didalam
hati padohari nan barisuak bapak kan pai kabalai
kok mandeh pai kaladang awak nan surang tingga di-
rumah barisuak surek dikarang nak buliah basanang
bati barulah tidua hanjo lai rang mudo Sutan Nasar-
udin dalam ingatan injo djuo.

Alah barisuak siangnjo hari kiro2 pukua sambilan
sadangnjo langang urang dirumah surangpun tidak urang
naiak lorong dek Siti Risani padosaat maso itu ma-
suak kabiliak hanjo lai talalu dikunjji pintu diambiak
karateh dengan dawat pambaleh surek nan datang hu-
bungan tjinto kasiah sajang.

Kakanda Sutan Nasarudin

Hubungan tjintø dalam hati kapado tuan kanduang
hambo iko balasannjo dari hambo alah lamo d'seso
untuang seso dek bagian sadjo surek saputjuak dari
tuun alah sudah hambo tarimo ditatjo lalu satamatojo
teri uw i sampai ka akian osaketek tidak nan talampau

sa ambun tidak nan tingga.

Mandanga bunji surek tuan nan takarang samaso itu tjutjua rasonjo aja mato djatuah tjiek djatuah duo bak intan putuih pangarang mandanga sadaran dari tuan alah sudah surek hambo batjo dipaluak dalam pangkuant disimpan dalam peti bunian dikuntji djo hati mukmin dipaluik djo budi haluib ma agak mandeh nak djan tabu kok tahu mandeh djo bapak tampan kalarek untuang hambo.

Namun sakarang iko kini tjubolah pikia tuan kanduang timbang bana didalam hati djalan salangkah mahadok suruik tidua sakalok manilantang djangan tuan salah tadorong manjasa tuan kamudian.

Sabab baitu kato hambo pada sasa'at iko kini hambo miskin dagang piatu bangso kurang supo dibawah paramate katjo ikeknjo lojang dimano buliah mungkin samo salah rupo dipandang urang kok bangih dunsurak tuan kalau tatjatjek djadi binaso djanganlah larek djo dagang nangko sababnjo mangko damikian pihak dibadan hambo kini mudjua balungguak kabalakang malaang-tatimpo dihadapan balajia talampau musin baladang dihalang tahun lorong dibungo nan kambang aluran buah nan ranun bungo baniat dalam hati nan tidak lupo sasa'at bungo harok ditjium kumbang mintak dibao tabang djauah rindu djo dandam tak tatahan bakutjak iman-katudjuahojo badan surang manangguangkan pulang ma'alum pada tuan dangakan hati rusuh-si malang dandam tak sudah:

Lajiakan kapa dari Sabang
taruih kaulak muaronjo,

Surek nan buliah tuan kambang
tangih sadaran didalamnjo.

Taruih kaulak muaronjo
tampak nan dari Tandjuang Djati,
Barisi sadaran didalamnjo
kasiah baramuak dalam hati.

Tampak nan dari Tandjuang Djati
kambanglah bungo talang2,
Kasiah baramuak dalam hati
musin pabilo mangko sanang.

Tabang mambubuang unggeh papo
singgah baranti di Kinari,
Kok tahu ibu djo bapo
tampan tabuwang badan diri.

*Singgah baranti di Kanari
binggoklah anak tiuang lampai,
Tampan tabuwang badan diri
kasiah djo tuan balun sampai.

Ramo-ramo di Koto Mambang
tabang mambubuang ka Pajokumbuah
Bungo harok ditjium kumbang
mintak dibao tabang djauah.

Tabang mambubuang ka Pajokumbuah
kambanglah bungo sari Bulan
dibaliak batang bungo rajo,
Mintak dibao tabang djauah
kok lai suko rela tuan
kok tidak apokan dajo

Lajiakan kapa dari Bintuhan
singgah balabuah di Taluak Ambun,

Dalam mimpi batamu tuan
manangguang rindu baribu tahun.

Singgah balabuah di Taluak Ambun
lejiajan kapa dari Pagai
sari bulan di Koto Tangah,
Manangguang rindu baribu tahun
bungo lakah lamo nak bapakai
tagah dek tuan bak tjaado lengah,

Pantjalang Dulah datang di Pagai
singgah balabuah di Medan Deli,
Masuak balabuah biduak lai sampai
nachoda bandak badjua bali.

Singgah balabuah di Medan Deli
panuak muatan intan Dalimo,
Nachoda bandak badjua bali.
barapo harago kami tarimo.

Kalau basanda kami dipandan
bungo merantiah diateh batu,
Kalau tarjinto kami dituan
raso kaputuih njao nan satu.

Rang Padang ka Bangkahulu
nak singgah ka Palembajew,
Sahingga iko malah dahulu
bambo didalam parassian.

Salam dan hormat dari adinda,
Siti Risani.

Alah sudah surek dikarang dibungkuuh djo saput-
agan diukek djo dasi merah djambu dihimbau Siti Ali-
mah urang sudaga bareh padi urang nan bahampiran

rumah barumah disubbarang labuah uranglah lamo bakanalan namonjo urang basamø gadang tibo dirumah Siti Alimah bakato Siti Risani:

„Manolah kakak kanduang hambo kitolah lamo bakanalan tolenglah ba'a hambo kini tolong hantakan surek hambo kapado Sutan Nasarudin anak Datuak Radjo Alam anak rang kampuang Bungo Inai urang Piliang Kapeh Pandji simpan rasio elok2 surang djangan dibari tahu kakak alah biaso kiun tidaklah salah dipandang urang”.

Dek luruih Siti Alimah tandonjo urang bakanalan lalu diambiak surek nantun dibao katampek awak mananti barisuak siang kijo2 pukua sambilan diambiak gantang djo sumpik lalu badjalan hanjo lai mananjokan bareh djo padi karumah Datuak Radjo Alam namonjo baliau kajo dek padi salamo lambek injo didjalan hampiang raso alah katibo ijo dikampuang Bungo Inai di Piliang Kapeh Pandji agak dek Siti Alimah alah ditanjokau nan dimukasuik bakato Datuak Radjo Alam:

„O upiak Siti Alimah upiak naiak malah dahulu dirumah kito baretong”. „Kalau baitu kato tuangku hambo utang mambanakan”, alah naiak sanan nan djadi malangong kiri djo kanan tidak tampak nan disangajoe dek lamo harago banilai alah datang Sutan Nasarudia taruuh kabiiliak hanjo lai. Agak dek Siti Alimah sarupo urang mantjari sumpik badjalan injo kabilisk sambia mambarkan surek tadi surek didjawek dek rang mudo alah sudah surek taundjuak Alimah kalua dari biliak disinggahi padi sambia lalu pulang ka Malaju Kampuang Dalam.

Pihak di Sutan Nasarudin lalu dibukak malah su-

rek disimpan dalam saputangan nak djén tahu ibu djo bapak,, dibatjo surek samo surang sabarih tidak nan tinggu sa ambun tidak nan talampau dibatjo ba ulang2 labih bak buliah gunuang ameh gadang hati bukan kapalang batambah riang djo sukondo raso dibibia tapi tjawan susihlah hambo mamilakan dipulangkan sadjo ka nan tahu.

Agaklah Sutan Nasarudin padō maso dewaso itu hatilah harok2 tjameh raso kalapeh dari tangan susahlah awak mamiikan mandanga buni surek nan datang sandjuang bak tjamia karah didjuluak galah talampau diaawai tangan tak sampai alah mabuak dek kiro2 dibaleh surek nan djadi.

„Adiak kanduang rakanan sajang hubungan tjinto dalam hati nan tidak lupo sasa'at sajang badjalin dalam hati kasiah bagantungan tinggi nan tak lipua dek hujan nan tak lakang dek paneh basaksi ka Tuhan kitu dimuko Kadhi nan barampek sababat djundjungan alam dimuko Kadhi rabun djali dipanggang kumajan putiah disanan kitu banantian alahkoh sanang hati adiak. „Namun sabanta iko kini nan taguriah didalam hati nan takalang didalam mato surek nan datang dari adiak tantangan barang djo buatan batali tak buliah dihirik batampuak tak buliah didijindjiang bak kacitiran nan elek buni sapantun ajia panjapuhan itu nan marusuah hati dagang.

Dengan basamo iko surek hambo kirimkan sahantuak tjintjin tjintjin pusako matonjo intan djo bartian nan tidak lapeh dari tangan ganti mandjalang adiak kanduang sipatan njowo badan diri mampalihekkan muko neñ djaniah sarato hati nan sutji itu nan lai padō

bambo.

Tjintjin kok tidak baharago kalau basuo amehnjo laantjuang kalau batamu matonjo batu tjintjin nan usah adiak buang dek hambo paguno djuo aluran tjintjin nan sabantuak tandonjo sajang tak babingga tandonjo kasiah tak babateh alahkoh sanang hati adiak rundiang dituka djo ibarat :

Dari Darek kataluak Mambang
rami galanggang Balai Polam
patjah tigo tjarano katjo,
Surek saputjuak adiak kambang
tangih sadaran nan didalam
bahimpun djo ajia mato.

Rami galanggang Balai Polam
tabanglah buruang radjowali
rang Padang mandjalo lokan,
Banjak sadaran nan didalam
tak dapek dilipua lai
tolong dek adiak mahiburkan.

Lilin diçaluak Sirandjano
sidingin ambiak satangkai
galah nan tigo sahantakan,
Tjintjin sabantuak nan bapunjo
kok ingin adiak mamakai
rilah hambo mambarikan.

Sidingin ambiak satangkai
Sutan Parpatiah Pulau Telok
nak lalu ka Koto Marapak,
Kok ingin tolani mamakai
simpan rasio elok2
nak djan tahu urang nan banjak.

Lain biduak karang dilantak
hampaikan kain dipalanta
alah kambang bungo sitapuang,
Kok tidak namuah ibu djo bapak
manjampaikan niat nazar kito
kito badjalan dari kampuang.

Hampaikan kain dipalanta
sitapuang bungo kumajan
dibaliak djalan ka Tungka.

Manjampaikan niat nazar kito
tinggalah kampuang djo tapian
nak sanang hati nan tingga.

Manolah garan nan Tandjuang Pati
tampak dibalai sutan lajia
alah kambang bungo andjalai,
Adiak kanduang pasanang hati
tanang ombak kito balajia
nantikan angin nan salasai.

Ajam birugo urang Kandangan
ikua malilik Gunuang Ledang
kambanglah bungo bilang2,
Sahingga iko malah rundingan
djikalau umua samo pandjang
nanti kudian hambo ulang.

Balasan surat dari kakanda,
Sutan Nasarudin.

Pihak di Sutan Nasaradin alah sudah surek dikaraang dibatjo ba ulang2 dipareso satunjo rasokan tidak katjatjeknjo lalu dibungkuh hanjo lai diluluih pulo tjintjin didjadi dimasukkan kadalam bungkuh surek saiso di ikek kaduonjo dihimbau pulo si Salamat.

„Manolah bujuang Budjang Salamat tolong hantakan surek hambo ka Malaju Kampuang Dalam karumah Kambang Kanango agak sugiro bujuang pulang mandeh djo bapak kok batanjo karadjo banjak balun sudah”:

Dek 'arif Budjang Salamat dek anak masak pangadja balun dihimbau injolah datang balun disuruh injolah pai diambiak malah surek nantun dihantakan baguluuk2. Namun sabanta padjalanan tjukuik katigo rantang pandjang alah hampia tibo disanan dirumah Kampong Kanango agaklah nan samaso itu nan gadih Siti Risani injo katurun kahalaman kapai katap'an mandi didjindjiang tjerek sabuah tangan kida barisi sabu manjandang handuak djo basahan takanak kabaja targuang badjahik djo masin Singer pakai baukia bakuli-liang buatan injo sandiri itu nan kambang maso itu.

Salangkah turun didjandjang tampilaklah Budjang Salamat mamegang surek nan saputjuak tasirok darah di dadeo tatagun gadih disanan dalam kapado maso itu surek taundjuak dek Salamat didjawek djo tangan suok sarato mamintak tarimo kasih surek taundjuak Salamat bulang baitu djiuo nan biaso.

Lorong kapado Siti Risami lalu dibukak malah su-
tek sabantuak tjintjin nan basuo diambiak saran n u
ujadi ditjubokan kadjari manih kironjo saukuran sadjo
sampik tidak lapangpun tidak sadang clok patuiknjo ti-
tadi tidak dapek dibandiang lai dibatjo pulo surek nan
dari awa sampai ka akia tangih sadaran nan lila-
rundiang kijasan sadjo nan banjak tahedok kaba-
tan diri awak.

Alah sudah surek dibatjo disimpan dilatji masih
djuo nan biaso alah salasai nan bak kian lalu

turun kabalaman tibo disumua ditapian disanan nan gadih mandi alah sudah pulo injo mandi kalu pülang sakali.

Agaklah nan samaso itu harilah patang hanjo lai patang badjawek dengan Asar alah tibo wakatu Magrib kok nasi alah basanduak kok kopi alah barisi baitu djuo satiok hari. Alah salasai pulo nan bak kian dibao katangah rumah pada maso dewaso itu alah datang bapak dari balai alah datang mandeh dari ladang alah datang pulo nan bunsu minum makan injo sakali basamo djo anak kanduang.

Agaklah dek Siti Risani sungguahpun awak minum makan susah bana manjabuikno djatuah kadalam ajia mato dilua tidak bakasan didalam luluah paratian sajang kok tidak sampai kasiah kok tingga didjalan mambao rusak kabadan diri tampan kasansai kamudian adang² lain nan tib^o dipikia sabaliak lai dimanuangkan dihati surang tantangan tjintjin nan sabantuak nan awak tarimo tadi alah buliah awak mamakai labiah bak raso batamu muko nan makan disudahkan djuo mambuhua tidak mangasan mauleh tidak mambuku dipulangkan sadjo ka nan tabu.

Pado sasa'at itu djuo alah sudah minum djo makan dek tjakap bunsu djo nan tangah nan masak pangadja dek mandehanjo kok piriang alah tasimpan tjawanolah masuak kalamari kok rimah alah disapunjo diambiak tjaranopuan di isi siriah djo pinang dilatakkkan ditangah rumah dimuko ibu djo bapak.

Namun salasai nan bak kian pihak nan bunsu djo nan tangah muhun kabiliak katiduran dibantangkan kasua nan djadi baduo dengan Siti Rusinah alah t.dua

sajang baduo. Pihak kapado Siti Risani mato nan tidak
namuah lalok kiro2njo badjalan djuo injo ba pikia2
haluih mandanga rahsio mandeh djo bapak aluran ka-
badan awak siapolah urang nan ditjarinjo nan katolok
badan diri laikoh Sutan Nasarudin.

Pihak Tuangku Imam Mudo alah masuak siriah sa-
kapua salasai rokok nan sabatang rundiang kalua dek
Tuangku kapado mandeh Dajang Daerah : „Manolah
adiak kanduang denai aluran rundiang nan dahulu ki-
nilah hambo manapati tantangan tunangan anak kito
kok lai untuang ka batamu kok lai sasuai parundingan
kok lai kito samupakat djo bako injo bana kamanakan
kontan dek denai lai patuik pulo rasonjo banamo Ham-
zah Barudin bagala Sutan Bagindo urang ranah Bungo
Tandjuang dimudiak Balai nan duo anak Datuak Bunsu
Diradjo anak si Puti Ameh Urai kalau dilibek tubuah
djo roman raso sasuai djo anak kito alah patuik tun-
angan siupiak tidaklah salah djo siliakanjo antah kok kito
tidak sapakat tak dapek hambo mamutuihi.

Kok nan pihak Siti Rusinah nan saukua sapahatan
nan sabarih sabalabeh nan samo gadang djo injo elok
ka bako injo pulo adiak dek Sutan Bagindo Muhammad
Zainul Rasjid sakali marangkuah dajuang duo tigo pu-
lu talampau.

Sakali mambukak puro duo tigo utang tabajia
rumbuak kadiri denai barek tak buliah hambo sabuik
ngan tak buliah dikatokan bandiangkanlab dek kau
luih nak batudjuan hampianak batantangan nak da-
baham nan satu”.

Sanan mandjawab Dajang Daerah : „Manolah tuan
tandjuang hambo nan sapandang kato dari tuan haluih

bak dindiang tjamin datalah bak lantai batu luruih alah batudjuan hampia alah batantangan tidak dapek dibandiang lai alah pandai tuan batenggang hutang anak nan lah lapeh kamanakan manompang pulo lapeh-lah utang kaduonjo kok disikopun baitu pulo kalau tabadok katangah rumah hambo lah lamo basugiro kok nan lain pulang ka tuan".

Agaklah Dajang Daerah dengan Tuanku Iniam Mudo urang nan samo2 pandai samo bidjak kaduonjo lautan aka djo bitjaro pandai batenggang dinan tidak pandai maukuu nan tak tampak agak djo agiah mahia bana pakaian baliau maso mudo.

"Panggialah urang dalam kampuang laki2 djo patampuan nan bakarik bakirabat nan djauah naknjo datang nan hampia nak lakeh tibo supaj8 karadjo nak lakeh sudah patang Kamih malam Djuma'at kito nikahkan anak kito marapulai pulang sakali nak lapeh utang badan kito".

Agaklah Siti Risani padu maso dewoso itu sadang babariang dalam biliak tadanga djiuo urang barudiang rundiang paparan mandeh djo bapak disimakkan djiuo tjiek2 dirapekkañ talingo kadindiang tasabuik nan katumanganno banamo Hamzah Barudin bagala Sultan Bagindo.

Sanan tagak bulu kaniangno alah tabik paluah dingienjo injolah paniang2 alang bak urang kanai katiang miang malengong kasiuok injo mahbarang malengong kakida injo mandanguih tampan kahanjuik badan diri hilang lanjok dirantau urang musim pabilo awak kapulang nak sanang ibu djo bapak eak suko urang bakuliliang koklah baitu kae!oknjo koklah baitu ka-

baiknjo koklah baitu nan katudju garak mananti djo-
bagian takadia nan manjudahi ajia mato dibapuih djuo
dipulangkan sadjo pada Allah baibarat injo dalam hati:

Dipabuek alu panggalias
tidak nan lain dari rujuang,
Dipabulek hati nan saliah
tidak nan lain dari untuang,

Ulak aliahnjo darj nantun kaba barito dagang san-
sai tjurai paparan dari rang djauah nan tadjadi dimaso-
itu tantangan Datuak Radjo Alam urang Piliang Bu-
ngo Inai urang kampuang Kapeh Pandji taragak di ki-
ro2 takana didalam hati lalu dihimbau Ambun Suri
mandeh Sutan Nasarudin.

„Manolah adiak Ambun Suri agak kamari kau du-
duak ado saketek den katokan rundiang sabuah nan
paralu nan ta raso2 djuo bak tulang dalam rakungan.
Uranglah datang pada denai bagala Datuak Mangkuto
Radjo anak rang Simpang Balai Djanggo anak rang
Dusun Katinggian didjalan bapatah tigo handak man-
djapuik anak kito kadjundjungan Siti Arabainah anak
si Puti Linduang Bulan anaknjo elah gadang pulo alah
patuik injo baminantu raso ke ek mantjari tunangan
alah gadang mantjari djudu raso sasuai djo anak kito.

Tjubo timbang pulo dek kau baiak mularat djo
musafat ataupun salah djo siliknjo kok lai kito samu-
paket kalau saukua djo djangkonjo kito tarimo kato nantun
kok tidak kito hantilan dihantakan rundingan
elok2. Tapi samantangpua baitu manuruik pikiran bami-
bu surang alah patuik kito tarimo kok hanjo Siti Ara-
bainah alah patuik djudu anak kito alah sapasang bal-
marpati alah sadjindjingan bak labu.

Dikadji sabaliak lai tantangan Datuak Mangkuto Radjo baliau asa dinagari kok galeh nan basandaran kok lagang nan batapatan adat diranah Balai Djanggo disimpang labuah nan bapatah pulang kabaliau balako tapi samantang damikian putuhno dikau surang hambo utang mambanakan". Mandjawab sanan Ambun Suri:

„Koklah baitu nan katudju malah baitu niat Tuangku kalau itu urang nan datang alah patuik kito tarimo tidaklah ado salah siliknjo putjuak ditjinto ulam tibo tak ajia pintjuran batabik nak lapeh pulo baban kito eloklah kito basugiro nan bak papatah urang tuo karadro baiak disugirokan nak djan ditimpo dek nan buruak sakian sadjo pandapek hambo pulang ma'alum pada tuan:

Kalau tahadok minum djo makan buliah mantjari barang nan tidak". „Malah baitu kato kau kito basiap kio2 himbaulah kaum dalam kampuang laki2 djo paraniuan atau bakarik bakirabat surang djangan buliah tingga".

Alah hasil sado nan paguno dibuek djandji dengan padan dengan Datuak Man^gkuto Radjo alah daék djandji nan sasuai alah tantu hari djo djangkonjo patang Ahad malam Sinajan pada duo baleh hari bulan namonjo halek marapulai dibangunkan pusako lamo mandirikan adat djo limbagó dibuneuh kabau sikua surang namonjo alek radjo2 atau urang nan kajo2 disadiokan pulo buni2an atau aguang djo talempong atau pun pupuik djo saluanganjo samo dihasilkan samuanjo.

Salamo lambék nan bak kian alah hasil sado nan paguno alah tibo djandji nan dikarang alah sadio urang timba baliak patang Kamih malam Djuma'at alek di-

nuloi hanjo lai tata gak pajuang nan gadang marawa
lah satiok suduik babuni aguang djo talempong atau-
sun gandang djo kutjapi rami nan bukan alang2 saga-
o anak sutan2 ataupun anak mudo2 surangpun tidak
katinggalan laki2 djo parampuan hahimpun sañen ka-
badonjo agaklah nan samaso itu susahlah hambo ma-
gabakan dipulangkan sadjo ka nan tahu.

Pado sabanta sakutiko alah datang Datuak Mang-
kuto Radjo sarato pangulu djo handiko dari ranah Bu-
ngo Tandjuang tibo dikampuang Bungo Inai di Piliang
Kapeh Pandji naiak karumah samuanjo. Pado maso de-
waso itu agak dek Datuak Radjo Alam aleklah sudah
minum makan diimbau malah anak kanduang.

Pado sabanta sakutiko alah datang Sutan Nasarudin
alah sudah injo mamakai dibantakan basamo2 sa-
rato pangulu djo andiko karumah Siti Arabainah ka-
kampuang Datuak Mangkuto Radjo. Salamo lambek nan
bak kian tibo disanan hanjo lai diranah di Buugo Tan-
djuang. Agaklah nan samaso itu pihak di Sutan Na-
sarudin dengan Siti Arabainah duduak ba' siriah2an bak
nan datang bak pananti bak parpati duo sapasang bak
tijuang duo sasangka tidaklah ado katjatjeknjo pada sa-
sa'at itu djuo aleklah sudah minum makan alek ma-
muhan pintak pulang karumah tampek masiang2.

Baralih kaba sakutiko kapado Siti Risani Kam-
bang Kanango Kampuang Dalam lorong dirumah djo
tanggonjo alah sudah tahijasi balako aluran lapiak djo
bantanjo sudah takambang tangah rumah ataupun ti-
rai djo kulambu alah tapasang samo sakali namonjo
mananti marapulai.

Pado sa'at maso itu siupiak Siti Risani dimano

duduak sanan bamanuang dimano tagak injo bamego angan2 ka rang mudo djuo diambiak karateh nan saputjuak dikarang surek ba guluik2 dikarangnjo djo hati rusuah ditulih djo hati hibo ajia mato manapi djuo di sapu djo tangan kida sajang bamukasuk handak lari dengan Sutan Nasarudin ibu djo bapak nan tak tahu angin bakisa alah lamo:

Kapado kakanda nan ditjinto tampek sumangek hambo bagantuang hubungan dandam nan tak sudah tampek mahuraikan kasiah sajang ma'um kironjo tuan kanduang namun sabanta iko kini tipak dibadan diri hambo Allah sadjo nan katahu putuih rasonjo pangarang cjantruang bakutjak alam tampek diam talenggang alam pulau Patjo kajia putuih djaranno patah ikan malompek kaşubarang.

Sababnjo mangko damikian tuan usah salah tarimo hari nan samalám baiko hambo dinikahkan bapak hambo jjo kabako hambo bana banamo Hamzah Barudin bagala Sutan Bagindo diparentah ibu djo ba'ak dek pasuruah urang bahampiran. Namun sakarang iko kini djandji umanat nan dahulu kini lah kito manapati kito tjari hari nan baik ijolah kutiko nan'elok kiro2 baiko pukua satu datanglah tuan hambo nanti sagalo barang djo pakakeh aluran kain dengan badju ataufun galang dengan tjintjin sudah tasimpan kabungkusan namun sagalo pitih kabalandjo tuan nan djangan susah bana kito badjalan kipi djuo kabarang tampek kito pai nak sajang hati nan tingga nak suko ibu djo bapak".

Tangih sadaran dari adinda,
Siti Risani.

Pado maso dewaso itu alah sudah surek dikarang

halu dibungkuih hanjo lai ditulih pulo surek saputjuak untuk ibu dengan bapak sarato adiak kanduang diri nan bunsu Siti Rusinah supajo nak sanang dibatinjo.

„Manolah ibu bapak hambo sarato adiak kanduang nan sajang usahlah bapak salah tarimo batjo banalah tarang2 nak dapek adiak den mamahamkan. Pado sa'at iko kini aluran dibadan hambo pendek kato kadiسابوک Tuhan Allah punjo Kuaso tidak siapo kamalarang tidak siapo kamangganggu lah tadjandji samandjak didalam rahim dahulunjo kini kito mandapati sadjo usahlah mandeh barusuah hati djanganlah bapak tatjameh bana tjuma nan piñtak pinto hambo kabaka hambo badjalan djauah kaganti tangka djo azimat izin djo rilah dari mandeh tolong djo do'a banjak2 anak badjalan dari kampuang dari Kualo Ajia Merah manudju rontau nan djauah manantang pulau kasalamatan nak djangan sansarq apo2 kok tibo badai djo topan salamat sadjo padjalanan. Lamo lambeknjo kito batamu djuo.

Tantangan kapa nan akan ditompang nangkodoh-njo Sutan Nasarudin djuragan kasiah djo sajang pata-muan nan sadjak didalam rahim tidaklah dapek dibantah lai.

Sahinggo iko malah rundingan kato tak dapek di-bandjangkan lai aka hilang pandapek habih tantangan baham djo ma'nanjo tasarah kapado mandeh djo bapak.

Lubuak Basuang balainjo Kamih
rami dek anak Balai Baru,

Aka hilang pandapek habih
ma'lum pulang ka-nan tahu.

Sambah sudjuik anakanda,
Siti Risani.

Dihimbau Siti Alimah alah datang injo ba guluik² bakato Siti Alimah: „Manolah adiak kanduang denai siu³rik Siti Risani apo sababno hambo dibimbau”.

Sanan mandjawab Siti Risani: „Tolong hantakan surek hambo kapado Sutan Nasarudin karaho kalak alah biaso antah sakali iko lai kakak hambo sarajo kit to antah kabatjarai lai rilahkan malah sagalo djariah kakak”.

Agak dek Siti Alimah ditarimonjo surek nantun lalu badjalan hanjo lai badjalan ba guluik² hampia kabo hanjo lai ijo dikampuang Bungo Inai di Piliang Kapeh Pandji dilihok kiri djo kanan tidaklah ado tam-pak Sutan Nasarudin batanjo sanan nan djadi ijo kapado Budjang Salamat: „Manolah bujuang si Salamat barilah luruih hambo batanjo dimano rang mudo Nasarudin hambo parolu nak batamu”. Mandjawab sanan Budjang Salamat: „Kalau itu kakak tanjoken injo nan balup pulang lai dari ranah Bungo Tandjuang dari dusun Katinggian dirumah Siti Arabainah”. Bakato Siti Alimah: „Kok pulang Sutan baiko tolong berikan surek nangko kok tidak tolong antakan surek paralu dari Ri⁴ani Kambang Kanango Kampuang Dalam”; Alimah badjalan hanjo lai.

Pibak dek Sutan Nasarudin pada maso dewaso itu tingga diranah bungo Tandjuang dirumah Siti Arabainah hati nan samak² rusuah bangkalai tak sudah ditinggakan itu nan mamabuak didalam hati pangana kasikambang djuo. Lorong dihari nan sabari itu kiro² pukur sapuluah sajudah minum djo makan salasai marokok makan siriah dimintak izin djo rilah kapado Siti Arabainah.

„Manolah adiak kanduang hambo namun dek hambo kini nangko ijo nak ka pai kakampuang ka Piliang Kapeh Pandji alah tigo hari hambo dlsiko takana ibu djo bapak taragak kampuang djo balaman tatjinto ditapian tampek mandi lapehlah di adiak kini djuo”. Mandjawab Siti Arabainah: Tuan kanduang Sutan Nasaruddin kok tuan pai kakampuang agak sugiro malah tuan babaliak”, „Insja Allah baiklah itu”, kaonjo Sutan Nasaruddin lalu badjalan Sutan Nasarudin namun sabanta padjalanan tasirok darah didado mandanjuik kahampu kaki mambaleh ka bubun2 takana sajang disanam ijo siupiak Siti Risani Kambang Kanango Kampuang Dalam sajang ba apolah injo kini tidaklah dapek kaba baritonjo tjintjin djo surek alah dikirimkan antah kok bakitjuah Budjang Salamat surek kok tidak diagiahkanjo awaklah mabuak dek kiro2 mabuak mambilang hari sadjo batamu sakali balun.

Dimalam samalam tadi mimpilah banjak nan buruak2 apolah nan karibo dibadan awak tidaklah dapek manantukannjo diansua djuo malah badjalan badarlah Paniang2 alang tulanglah lajuah2 lenjai badjalan djuo basulambek dek lamo lambek didjalan alah tibo injo disanam ijo dikampuang Bungo Inai didapati ajah tidak dirumah mandehpun antah kamano pulo malihek kiri djo kanan tampaklah sanan Budjang Salamat.

Pado maso dewaso itu Salamat urang nan ‘arif la lu bakato maso itu: „Manolah tuan kanduang hambo antuang tuan lai kamari kok tidak mungkin hambo pai tantakan surek nangko hambo mamatjik pasan si Ali nah sarato kato nan sapatah mangatokan bahaso surek ko surek paralu dari Kambang Kanango”, surek tuan

djuak injo badjalan. Dek urang Sutan Nasarudin lalu dibukak surek nantun dibatjo malah sakali kironjo balasan surek nan dahulu alah salasai surek dibatjo sanan hati tidak sanang laisabab Kambang Kanango-ka kawin dengan Hamzah Badarudin. Tapi samantangpun damikian awak dimintakojo djuo datang baiko malam pukua satu injo mangatokan alah siap sagalo pakakeh alah sudah dibungkuh kasadonjo ba apolah nasib nan katibo tamguang sadjo mamikiakan.

Kununlah Sutan Nasarudin tabiklah pikiran sakutiko takana bana samaso itu lalu mantjari oto tambangan sabuah handak pai badjalan djaeah pai baduo djo siupiak Siti Risani Kambang Kanango Kampuang Dalam. Pado saat itu djuo badjalanlah Sutan Nasarudin pai mantjari tukang oto salamo lambek didjalan basuo djo urang tukang oto lalu bakato maso itu: „Manolah tuan djanjo hambo tolong hantakan hambo kini nangko karanaah Padang lautan kanagari himpunan bangso kampuang Palinggam Dunia ado mukasuik djo sangadjo paralu bana mase kini barepo seonjo hambo bajia”.

Kalau baitu kato tuan kini2 kitu badjalan”, katonjo urang tukang oto.

Agaklah nan samaso itu harilah laruik tangah malam alah kiro2 pukua satu sadangnjo baniang urang dikampuang sadangnjo sidjahek elok malangkah. Salamo lambek nan didjalan kok djaeah samantaro sampai kok dakek ribolah garan alah tibo injo disanan dihalaman Siti Risani. Dilihek tajah kahalaman surangpun tidak ado urang nan tampak urangpun suni diateh rumah marapulai balunlah datang angku Kadhi balunlah tibo.

Agaklah Siti Risani awak surang sadjo nan djago

urang banjak lah talalok kasadonjo pada katiko itu djuo
tadanga darun buni oto dilindik dari sabaliak dioding
tampaklah Sutan Nasarudin. Lalu dipakai pakaian basu-
giro dipakai badju gaun merah djambu takanak sapatu
tinggi tumik bakauih putiah didalamnjo didjindjiang tas
sabuah sarupo njonja urang Eropah. Dilibek dipandang
roman sarupo njonja tuan tokو kalau basuo djo urang
didjalan tidaklah urang nan katahu. Alah dibao barang
lado nan paralu dilihek ibu djo bapak sadang tidua
kادuonjo dilihek pulo adiak kanduang sadangnjo lalok
lamak pulo lalu dibukak pintu lambek2 dilangkahkan
kaki naa kanan dibatjo Shalawat tigo kali. Alah tibo
ditangah halaman mamandang injo kalabuah gadang sa-
nan disonsong dek Sutan Nasarudin badjawek salam ba-
pegang djari tangan nan tidak dilapehkan sampai ka-
ateh oto alah duduak sajang baduo batigo dengan su-
pir oto. Siupiak Siti Risani malihek kapado arldjji ta-
ngan manantukan hari pukua bara lalu bakato: , Hari
basarang laruik djuo kinilah pukua satu lewat saparam
pek". Oto barangkek hanjo lai.

Rang Sampan mandi kahulu
singgah ka kabun parak lado,
Sambungan hikajat nan dahulu
anak tuangku Imam Mudo.

Lorong dek mandeh Dajang Daerah agaklah nan
amaso itu patang Karuuh malam Djum'at kit02 pukua
mipek pagi pada sa'at itu manuruik adat naa biaso
ribolah marapulai djo antarannjo alah duduak diateh ka-
ruuh nan takambang dibawah kulambu suto dirusuak ti-
tai langit2 mahadok karuwang tangah sarato Imam de-
gan Chatib tjukuik djo Kadhi dengan Bila sarato pa-

ngulu djo handiko rapek papek kasadonjo manuruik sa-pindjang adat mamakai satjaro sjara surangpun tidak katinggalan. Dalam pado maso itu bakato sanan nan djsadi ijo Tuanku Imam Mudo bapak nan bungsu djo nan tangah sambia tagak badiri lalu diangkek tangan kaduonjo. Mano Tuangku nan basamo sarato pangulu djo handiko nan rapek papek didalam rumah nangko ado sabuah nan taniat didalam hati nan bak duri di dalam dagiang nan baktulang didalam rakungan ijolah tantangan anak kanduang hambo nan bungsu djo nan tangah dek ketek dinanti gadang kinilah patuik hutang hambo bajia mungkin alah sasuai djo djangkonjo ma-mintek hambo sunguuh supajo dinikahkan kaduonjo kini cjuo".

Mandjawab sanan urang nan patuik ijo Pangulu djo handiko. "Mano Tuangku Imam Mudo hambo ambiak pangabisan kato Tuangku namun nan sakarang iko kini kok sasuai djo karapatan niat nan buliah disampaikan katolah buliah dilafazkan kamipun nak lakeh baurak selo karadjopun banjak ditinggakan". Pado waktu itu djuo dibaka malah kumajan putiah asok mandulang ka-udaro lalu dilapizkan idjab djo kabul Rusinah dengan Zainul Rasjid sarato Siti Risani dengan Hamzah Baru-din nikah sampai kawinlah sudah.

Pado maso dewaso itu pihak dek mandeh Dajang Daerah malihek katangah rumah rupo nan balun kali-hatan lalu ditjari anak kanduang katampek katiduran-njo dituruik kadalam biliak lalu bakato maso itu:

Manolah anak kanduang djanjo hambo djogolah upiak dari tidua uranglah banjak tangah rumah". Tasintak Siti Rusinah dilihek kiri djo kanan ka-

kak kanduang tidak basuo. Dalam kapado maso itu ma-
luaklah Dajang Daerah kadalam biliak kironjo anak su-
tang sadjo anak nan tuo tidak kalibatan antah kamano
kolah garan dilihek lamari alah tabukak pakaianjo
sahalajipun tidak ado nan tingga. Dibukak pulo latji la-
mari tampek panjimpan galang djo tjintjin kironjo alah
kosong pulo sabuahpun tidak ado nan tingga sanan
tarabo Dajang Daerah marantak mandaram lantai taka-
djuik urang tangah rumah tagampalah urang kasadonjo
laki2 djo parampuan gadang ketek tuo djo mudo namonjo
halek sadang rami. Kununlah Tuangku Imam Mudo pa-
do saat maso itu baliau sadang ditangah rumah dimu-
ko Kadhi dengan Bila sadang manikahkan anaknjo ba-
lun lai sudah idjab djo kakul tadanga urang manangih
dilihek urang alah gaduah tasirokdarah didado diting-
gakan karadjo nan paralu lalu dituruik kadalam biliak.

Agaklah Dajang Daerah sadang ma hampeh2kan di-
ti manangih baduo baranak dilingkuang urang nan ba-
njak dilihek rupo Siti Rusinah rambuik pandjang alah
tagerai muko nan rantjak alah kurau sapantun bungo
nan alah lajua ajia mato ba darai2 bak maniak putuih
talino bak intan putuih pingarang alah basah pipi dek
manangih tangijnjo ta tagun2 ratoknjo ba buah2:

Lajiakan biduak ka Malako
panuah muatan ikan pandjang,
Tidak den sangko nan bak nangko
awak baduo tingga surang.

Panuah bamuek ikan Padang
singgah balabuah di Muaro,
Awak baduo tingga surang
habihlah aka djo bitjaro.

Singgah balabuah di Muaro

babelok ka Tandjuang Djati,

Habiblah aka djo bitjaro

hambo ditinggakan bahibo hati.

Tjihak Tuangku Imam Mudo malihek rupo damikian
casimpua duduak badiam diri sapatah kato tidak ba-
niap capatjak paluah dikaniang duduak tamanuang bak
upai diatuahi dirameh paruik dikaluahkan. Langit di-
panoska disigai hino djo malu alah balungguak arang
tatjoreng padu kaniang arang habih basi binaso badan
Pajah tidak badaso banjak sasalan nan tumbuah namun
alek dilansuangan djuo. Tipak dek Siti Rusinah sa-
rato Muhamad Zainul Rasjid idjab djo kabul alah sala-
sai alah samparono nikah kawinnjo alah sudah minum
djo makan alek mamohon mintak pulang ijo karumah
masiang2 Alah dafek izin dgorilah urang badjalan hanjo lai:

Ulak aliahnjo dari itu kaba barito naknjo sampai
tjumi paparan kagang djauah labiah djo kurang mintak
dimafkan. Sadang dek mandeh Dajang Daerah sarato
Tuangku Imam Mudo ditinggakan sadangnjo duduak ba-
micuing batupang dajuak. Alah sahari antaronjo sas-
dah baralek djo mandjamu tabukaklah pikiran sakutiko
alah siang nan bak hari tapi samantengpun baitu ru-
suah hati ditangguangkan djuo lalu dilepeh surek hilia
dengan mudiak hilang nan tidak tantu rimbonjo hanjuik
nan tidak tantu muaronjo susahlah urang kasanagarinjo
gaduahlah urang satumpak iku tapi samantengpun dami-
kian nan bak papatah urang tuo: „Mudjna nan sa-
pandjang hari malang nan sakidjab mato”, baitu nan
ditakdirkan Tuhan djandjian nan musti kito tepati ti-
idak buliah kita ubahi garak mananti djo bagian takdir

nan manjudahi. Alah sabulan duo bulan tjukujiklah duo bulan papek sasudah baralek marapulai aluran kapado Siti Rusinah mukasuik handak mangguntiang badju ditjari guntiang maso itu alah sa pueh2 mantjari guntiang nan tidak kundjuang dapek sagalo tampek panjiapanan barang alah dipareso kasadonjo. Dalam kapado maso itu takana didalam hati handak manjilau latji masin kok lai untuang ado didalamno guntiang nantun. Alah tabukak latji masin tampaklah surek didalamno lalu diambiak basugiro kironjo surek dari kak gadih. Siti Risani tasirok darah didado alah putjek rono mukonjo lalu dibatjio djuo surek nantun ajia mato giriang gumiriang disapu djo tangan kida. Alah dapek paham mukasuikno alah tantu isi djo maknajo lalu dibao kamandeh kanduang dibatjio ba ulang2 dihadapan ibu djo bapaknjo

Pihak kapado Dajang Daerah sarato Tuangku Imam Mudo mandanga bunji surek anak kanduang alah tantu hilang lateknjo dengan Sutan Nasarudin anak Datuak Radjo Alam rang Kualo Ajia Merah dari Malaju Kampuang Dalam. Sanan tamanuang mangana nasib batjam-pua hibo djo rusuah pangana hilang2 timbuu nan bak papatah urang kito: „Kapa karam pandarek putuih tidak dapek manggabai lai”, sambia bakato dalam batijio: „Awaklah pajah dek mantjari saketek pun tidak nan badaso bak mamapeh kutjiang hanjuik panjasalan sadjo nan balungguak tidak kagunonjo disabuik, lai halok rami anak badjalan nan tingga barusuah hati bak iuu garak djo bagian”.

„Manolah sagalo niniak mamak nan tjadiak tjando kijo sarato karib djo kirabat tjubolah pikia2 bana tjudolah hinok pamanuangkan nan clok basamo kito pakai

nan buruak basamo kito buang salorong tantangan Tuangku Imam Mudo duo djo mandeh Dajang Daerah urang nan arif bidjaksano tiru tuladan dek urang kampuang rabu dihereng dengan gendeng tahu diachir kato sampai tapis samantang pun damikian pitua nan tuo2 ditjajahkan papatah tidak dituruukkan amanat tidak baliau pegang kurang batanjo sasek didjalan kurang badajuang hanjuik sarantau dikatjak batih lah bak batih dikatjak langan lah bak langan sabagai balabiah dari urang masuak takibus tu namonjo larangan Nabi sungguah2. Kalau anak ka kito nikahkan manuruik sapandjang alua bak kato urang tuo2 patuik disudi dipareso ditanjo kapado anak awak tahu diraso nan ka mamakai tahu dirupo nan kadiilihck malah sakato damikian alah digalanggang sidik djo bana didalam mungkin djo patuiknjo lai tatampuan dibalabebnjo lai saukua djo sapadan sananlah baru kito manjarah kapado Allah kok mupakat untuang djo bagian raso katalapeh dari maro bahajo.

Aluran Tuangku Imam Mudo baliau mantjari minantu tidak ditanjoi anak dabulu dilangkahinjo patuik djo sasuai hanjo bak nan kaelok diawak sadjo ditiliakanjo miskin kajo urang dipandang hino mulia urang dilinckajo tinggi pangkat urang tuah nak labiah padu urang bia marano anak kanduangnjo asal lai sampai nan dihatinjo tidak dikadji achir kamudiannjo. Djandji sampai hukuman tibo badosolah anak dek karano bapaknjo handam karam masuak narako. Adat diateh dunia nangke limbago kito manusia nan samo tjutju Adam balun ado bakakurangan kito nan samo pambarian Tuhan".

Pihak kapado anak baliau nan banamo Siti Risani Kambang Kanango Kampuang Dalam anak urang ma-

bak pangadja samandjuk baumua tudjuah tahun rintang
bapaparan patang pagi pangadja dari mandeh kanduang
kok malam disuruah kasurau mangadji rukun dengan si-
pat banamo rukun Islam nan limo sarato sipat nan duo
puluah kok mangadji Qur-an alah tigo kali tamat sa-
iang kok djadi nikah djo bakonjo tidaklah elok kasuda-
bannjo parentah tidak ka dituruiknjo apo larangan di-
tempuanhjo djuo tantu durhako kasuaminjo gadauglah
doso ditangguangnjo. Tidak salamat dunia achirat bak
ibarat kaju lungga pangabek hino djo malu nan ma-
nimpo.

Kaba baraliah hanjo lai aliahnjo kapado Siti Ara-
bainah parampuan dek Sutan Nasarudin anak arang
Kampuang Katinggian dimudiak balai nan duo didja-
lan basimpang tigo nan dihari sabari itu alah lewat
wakatu lubua dinantikan djuo suami kok lai kapulang
karano djandji alah dikarang nasilah tahedang djo gulai-
njo alah langkok sadjian diateh medja batutuik dengan
tuduang sadji. Namun lah salasai nan bak kian sajang
nak ka pai katapihan mukasuik nak ka pai mandi sabab
bedah alah palak2 roman alah merah2 padam didjendjeng
tjerek sabuah dibao limau djo kasainjo lalu turun ka-
halaman manudju tapian tampek mandi. Alah sudah
mandi djo balimau baliak pulang hanjo lai diganti pa-
keian maso itu salasai babadak djo baminjak tagak di-
muko tjamin gadang dipatuik tubuah maso itu sadang
manih dipandang mato' pado saat itu djuo dialih ta-
nik kadakek pintu mamandang kalabuah nan pandjang
manantikan Sutan Nasarudin pulang apokoh sabab ka-
tanionjo mangko balun datang djuo laikoh maro nan
malintang lalu bapantun maso itu :

Sutan Bandaro panjabungan

Nak lalu ka Koto Tuo,

Buruang lah lapeh dari tangan

sangka ta harok2 sadjo.

Nak lalu ka Koto Tuo

kabalai djalan ka baliak,

Sangka ma harok2 djuo

Disangko pai kok lai babaliak.

Kabalai djalan kabaliak

tali nan usah dipidjakkan,

Disangko pai lai babaliak

nasilah dingin manantikan.

Agklah dek Siti Arabainah alah lamo duduak ma-
cantis alah rabit kapotjong kaki alah tumbuhan kapira-
daan tangan bagantuang djuo kadjandela harilah lewat
pukna sanam waktu Magrib nanlah tibo takana sanan
sakuriko mungkin kok ado maro nan malintang atau
aradio naq balun sudah baikotantu datang djuo lalu
disaok malih pintu dipasang lampu gantuang urangpun
benjak dataog karumah maklumlah halek baru duo hari
baru hanti lapeh biapun bakarib bakirabat ba tanjo2 pa-
ralatan sambia batanjo: „Laikoh sasuai djo saukua”.

Dimalam nan samalam nantun alah sampai pukua
sabaleh usahlah Sutan Nasarudin nan kadatang kab
tidik pasanpun tidak pada saat maso itu si Upiak Siti
Arabainah diluluih pakaian kasadonjo dibukak galang
dengan tjintjin lalu taruih katampek katiduran dibukak
kalambu katudjuabnjo dirahokkan tubuak maso itu di-
baq Mahereng tidak sanang ajia mato iriang gumiriang
diseka djo saputangan alah tigo halai nan basah ma-
buak pikiran maso itu batambah mamang paratian ba-

kutjak iman didado tagendeng rasonjo bumi nangko ba-
beaga pamandangan maso itu baibarat injo dalam hati :

Tabanglah anak buruang murai
mati mandjaraok kadjarumun,
Ajia mato djatuah badarai
dibao lalok bakalumun.

Mati maraok kadjarumun
batang silasiah ditapi djalan,
Dibao lalok bakalumun
sadang kasiah sajang badjalan.

Dimalam nan samalam nantun minum tidak makaa
pun tidak ajia satitiak tidaknjo minum nasi sabidjo ti-
daknjo makan mato nan tidak namuah dilalokkan sa-
kali ajam bakukuak tjukuik katigo hari siang alah tu-
run ambun didaun alah bakitjau murai maso itu alah
siang tjandonjo hari bangunlah Siti Arabajnah lalu ka-
sumua basugiro. Alah sudah nan gadih mandi salasai
pulo sambahjang Subuah duduak badjuntai dikurisi ri-
du djo dandam ditangguangkan djuo pikiran nan tidak
ka nan lain suami bak raso katibo djuo siapolah urang
nan tidak karusuah sa iman2njo urang kalau tigo hari
baru sudah baralek pai nan tidak babaliak lai djanji
harek nanlah baubah buatan taguali nanlah putuih ta-
pi sungguahpun damikian dipulangkan sadjo ka nan
tahu.

Balam barabah ateh pintu
murai bakitjau ateh daban,
Kaba baraliah tantang itu
aliahnjo kapado mandeh Linduaug Bulan.
Sadang dek mandeh Linduaug Bulan pai kapakan

Kabalai Kamih balai nan tidak djaueh dari rumah alah tibo ditangah pakan balainjo rami tidak tabado dibalilah sado nan paralu untuk dimasak dirumah kapananti ninantu pulang. Dek lamo lambek dibalai tintang baharago djo banilai tadanga sanan maso itu urang ma getjek samo urang mangabakan bahaso Sutan Nasarudin dengan siupiak Siti Risani pada malam samalam tadi alah badjalan kaduonjo antah kamano painjo tidak lah dapek kaba nan djaleh. Dalam kapado maso itu pi hak dek mandeh Linduang Bulan tasirok darah didado lalu pulang basugiro adolah sabanta antaronjo tibolah dikampuang hanjo lai naiak ka ateb rumah maso itu dilibek anak sadang ba rusuah2 djuo digilo dandam nan tak sudah lalu bakato dalam batinjo: „Sadang kasiah tuu tinggakan baso djo basi balun kadapatan”.

Sanan bakato mandeh Lindaung Bulan: „Manolah anak kanduang Siti Arabainah balahan njwo nan sati sibiran tulang nan sajang buah hati limpo bakuruang djarek samato mandeh kanduang putuib djo apo kadiuleh dangakan malah dek anak kanduang apo sababnjo damikian barubah dari nan lamo mandeh paratikan saman djak radi malam anak nan tidak bahati sanang mam bajang sampai kamuko tjubo kabakan pada denai tjurai paparkanlh pada hambo apolah nan kurang pada anak dan tidak manjanangkan hati usahlah disambunikan djuo kabakan sadjolah elok2 nak dapek mandeh mamahamken buliah nak sanang pulo bati deual”.

Mandanga kato mandeh kanduang sanan mandjawab Siti Arabainah: „Manolah mandeh kanduang hambo ampun djo ma'af hambo pintak saketek tidak basambuni takut di'azab kamudian larangan Allah dengan Nabi

durhako kamandeh kanduang ijo hambo duduak bama-nuang ado basabab bakarano. Lorong kapado suami hambo ijolah tuan Sutan Nasarudin badjandji pulang basugiro nan tidak kalamo injo dikampuang bia sa malam2 injo bari djandji nan tidak diubahi amanat nan tidak dimungkiri tapi alah sampai kini nangko usah injo nan katibo kaba tidak pasanpun tidak itu nan kurang manganangkan dihati hambo. Awak bagantuang digadjaikan injo itu nan mamabuak paratian kck tidak tjinto dibatinjo kok sapatah duo patah patuik dipasankanno padu urang lalu maklum pulang padu mandeh".

Tadanga dikato itu agak dek mandeh Linduang Bulau taraso bana dihatinjo nan bak kaba dibalai tadi.. Kok injo badjalan djauah tidak patuik sarupo itu awak baradat balimbago lagipun putjuak dalam nagari bukan urang sambarangan sadjo bapak tasabuik urang tjadiak dalam nagari tidak adat bukan limbago itu namonjo disjara dilarang bana. Tigo hari sasudah nikah badjalan nan tidak pulang lai bak batu djatuah kalubuak dimano adat limbagonjo dimano guru tampek baradja..

Kununlah Puti Linduang Bulan kato2 nan kalamak dek injo sadjo babagailah rundingan baduo baranak sasalan banjak nanlah datang tatumbuak kabadan awak surang minjak habib samba tak lamak tungku rabah Pariuak patjah bareh taserak dinagari apolah kateng-kang badan awak kini pulang maklum ka nan tahu.

Pado sakutiko itu djiuo datanglah Datuak Mangku-Radio alah duduak diateh rumah lalu batanjo maso : „Manolah adiak kanduang si Linduang Bulan hambo mandanga kaba buruak barito urang dibalai tjako tajangang hambo-mandangkan hilang pangana sakutiko

aluran kapado Sutan Nasarudin djundjungan Siti Arabai-
nah badjalan maninggakan kampuang mandeh bapaknjo
tidak sabu injo mambao anak gadih urang nan banamo
Siti Risani Kambang Kanango Kampuang Dalam anak
Tuangku Imam Mudo anak dek mandeh Dajang Daerah
anak itu ka baliau nikahkan djo bako kanduanganjo bana
pado patang Kamib malam Djuma'at idjab djo kabul
balio sudah kawinnjo nan balun samparono dilihek anak
alah hilang. Itulah sababnjo hambo kamari bana mama-
reso itu sadjo laikoh kaba nan lain pulang maklum pa-
do adiak". Mandjawab sanan Linduang Bulan: , Tuan
kanduang djanjo hambo itu bana nan sadang kami pabin-
tangkan dengan Siti Arabainah. Hambo tanjo hambo
paresa kaba tidak baritopun tidak surangpun tidak
mambao pasan sadjak samulo hari Raba'a sampai saka-
rang kini nangko pulang maklum padu tuan". Tadanga
dikato itu kununlah Datuak Mangkuto Radjo manda-
nguih maharang pandjang habihlah aka djo bitjaro pa-
jahlah awak dek mamikiakkanno. Tidak den sangko nan
bak nangko disangko paneh sampai patang kironjo hu-
djan tangah hari uang habih tidak badaso alah saun-
tuang saparasaiyan ijo djo Tuanku Imam Mudo. Didja-
lang guru lab mati dilibek surek lah lipua disarabkan
sadjolah padu Allah saba djo rilah musti dipakai.

Kaba baraliah hanjo lai hilang nan tidak tantu rim-
bonjo hanjuik nan tidak tantu muaronjo nak djan ga-
duah mandeh djo bapak nak sanang Kualo Ajia Merah
nak suko urang Tandjuang Subaliak Lorong kapado Su-
tan Nasarudin dengan siupiak Siti Risani sadang didalam
padjalanen dek kantjang djalannjo oto alah sampai di-
pasca Balai Baru ditoko balirik tigo lapeh pulo dari sa-

nan alah nampak lauik ajia gilo ijo dikampuang Pasisia Baru. Pado sakutiko itu djuo lapehlah pulo dari sanan namun sarantang padjalanan tjukuik katigo rantang pandjang kok djauah samantaro sampai kok hampia tibolah kini ijo diranah Padang lautan dikoto himpunan Bangso2 disanan pasa nan rami raminjo nan tiok hari kok labuah silang basilang rumah banjak lirik balirik toko banjak salo manjalo babagai rupo bantuak bangun nannjo tjukuik barang paniagaan namonjo kota mues-hua rami.

Agaklah pado samaso nantun pihak dek Siti Risani lalu dibajia seo oto diambiak sahalai uang karatch tukaran nan duo puluah limo diberikan kapado supir oto. Badjalanlah sanan Sutan Nasarudin duo djo Siti Risani badjalan bapegang pegangan tangan sarupo njonja dengan tuan tidaklah ado urang nan tahu urang manjangko njonja urang kulit putiah labiah pulo mandenga rundiang bitjaronjo. Pueh badjalan bilia mudiak masuak toko kluu toko alah sanang hati nan gadih sukolah hati Sutan Nasarudin harilah patang hanjo lai pai katampek panginapan Oranje Hotel namonjo tjaro Eropa Rumah Makan kato rang siko. Naiak kareta bendi maso ito salamo lambek didjalan hampia katibo hanjo lai tibolah dihalaman Rumah makan tampaklah djongos manjonsongan lalu diturunkan sagalo kopor pakajan dari ateh karetta bendi dilatakan sagalo tas djo kopor kadalam biliak urang Sutan Nasarudin sarato Siti Risani pai mandi biliak nasi djo kopi alah tahedang tjukuik makanan djo-niumannjo alah sudah makan djo minum harilah man hanjo lai dek tjakap budjang djo palajan alah ta-

pasang lampu samuanjo tarang tjahajo maso itu. Dima lam samalam itu kiro2 pukua sapuluah sadang duduak2 binduo diateh kurisi rotan sanin bakato Sutan Nasarudin „Mano adiak kanduang Siti Risani dangakan dek adiak elok2 adjak nan usah salah tarimo nan taguriah didalam barii nan tabindang didalam kiro2 kan adiak samo tabu duuo handak mamakan buah nan masak handak manjasok bungo nan kambang kasiah nak mintak disampaikan tapi samantangpun damikian maranti suko rilah adiak”.

Tadanga dikato itu mandjawab Siti Risani : „Tuan kanduang Sutan Nasarudin ubek kasiah palarai damam namun sakarang iko kini hiduik mati ditangan tuan digantuang namuah tinggi dibuang namuah djaueh bungo nan kambang tuan ambiaklah buah nan masak tuan makanlah tapi ajia talago usah diminum larangan Allah dengan Nabi tidak buliah kito pagarabkan mandapek azab djo sansaro achir kamudian doso tak buliah diampuni kok tidak ‘amal djo ibadat sambahjang baturang-kurang’ pulo puling maklum pada tuan”.

Agak dek Sutan Nasarudin tadanga dikato itu habiblah aka djo bitjaro tak dapek djalan tampek lalu bapaga djo budi baluih badindiang djo taratik sopan salah tagang mungkin mamutuih tantu saba awak dahu lu nantikan sadjo kutikonjo lalu bakato sanan nan djadi : „Adiak kanduang djanjo hambo malah baitu kato adiak alah sanang pulo hati hambo sadjuak rasonjo patrian berisuk kito basugiro kito badjalan pagi2 banajio ka Taluak Ajia Putiah kasurau Tuangku Sjech Mudo rang sanab Luhak Limò Puluah Koto didusun Lubuak Bangku disimpang Pangkalan Sirai disanan kito mintak idjab dengan kabul. Lorong kapado Tuangku Sjech Mu-

do urang pangasih djo panjajang panjantun dianak dagang alah banjak urang nan kakijun nan sarupo kito nangko. Kok alah salasai kito nikah kawin badjalanhah kito dari sanan manudju ka Medan Banda Sapuluah kanagari baradjo surang radjo badiri sandirinjo bukanlah radjo dang babali disanan himpunan sagalo bangso himpunan dagang dari djauah. Kok lai suko adiak kanduang disanan malah kito diam".

Mandjawab sanan Siti Risani: „Tuan kanduang Sultan Nasarudin santanolah sampai mandjawek idjab dengan kabul mamakai sapandjang Sjarak manuruik garih djo balabeh djalan nan lazim kito tampuh dikambang sanan kasiah sajang djandji nan tidak hambo mungkiri basuruah sapandjang kitab djikalau umua lai samo pandjang supajo niat naknjo sampai baitu bana putih hanti alahkoh kasanang hati tuan".

Pado sasaat sakutiko lah tadanga pupuik karota api tandonjo hari pukua limo dibukak pintu djandela hari lah tarang nan bak siang murai alah ka kitau2 wakatu Subuah nan alah ado. Namun dimalam samalam tadi sspitjiangpun tidak dilalokkan sanan bakato Sultan Nasarudin : „Adiak kanduang Siti Risani melah kito mandi kini2 buliah sugiro kito barangkek rantau djauah nun kadituruik". Tagak sugiro Siti Risani diambiak sabun dengan handuak lalu pai baduo kakamar mandi salamo lambek nan bâk kian sajang lah sudah mandi kaduonjo lalu babaliak kakamar maso itu dikanakkkan pakaian hatijo lai. Pado wakatu itu djiwo datanglah palajan membao hedangan lalu disadijkan diateh medja. Ado sabanta antaronjo sasudah minum dengan makan alah sudah bulo marokok nan sabatang agak dek Sultan Nasarudin

lalu diambiak pitih uang karateh tukaran sapuluah ru-piah dibarikan kapado palajan lalu bakato maso itu:

„Manolah palajan djanjo hambo tjarikan kami oto sabuah, kami barangkek kini djuo ka Darek Limo Pujuh Koto karanah Pajokumbuah”. Dek tjakap palajan Rumah Makan alah dapek oto sedan sadang mananti kini dihalaman lalu bakato maso itu: „Manolah tuan dengan njonja basugirolah malah tuan kini oto alah si-ap manantikan”.

Kununlah Sutan Nasarudin sasudah mambajia sewo panginapan lalu turun kahilaman tagak malihek palajan mamuek kopor kadalam oto. Alah sudah pulo nan bak kian naiklah Sutan Nasarudin ka ateh oto dengan Siti Risani lalu dilambaikan tangan maso itu kapado palajan Rumah Makan sarato mangunjapkan salamat tingga dek urang Siti Risani mi lambai2 djo saputangan merah djambu oto barangkek hanjo lai.

Lorong kapado palajan tadi bakato injo samo surang „Tuan dimano itulah garan apolah pangkat karadjonjo budi elok baso katudju muluik manih kutjindan murah kalau namuah injo mambao namuahlah awak manuruikan bija mandjadi tukang kabun walau manjapu rumah tanggo sambarang karadio awak turuik”.

Namun sabanta padjalanan lapeh nan dari Rumah Makan tibo dipadang tanah lapang dimuko Kantin Pangadilan lapeh pulo dari sanan manampreh djalan basimpang ampek sasimpang djalan katapi pasia sasimpang djalan ka Balai Baru nan taruikh ijolah karanah Darek urang Agam ditampuah djalan taruikh dek pandai sopit bakamudi oto mandarun lari kantjang talampau kam-puang Ulak Karang alah lamo bakalamoan lah tibo di

balai Salasa Lubuak Aluang taruih djuo badjalan lapeh
pulo dari Kaju Tanam manampuan pandakian Singgalang
tibo di Padang Pandjang di Batipuaah Sapuluah Koto.

Lapeh pulo dari sanan manampuan Agam Balai Gu-
rah salamo lambek nan di djalan alah tibo hanjo lai
ijo di Luhak Limo Puluah Koto pasa nan sadang rami
bana ijolah pasa Pajokumbuah baranti sanan sakutiko
dimuko rumah bagondjong anam sasimpang djalan kaba-
tang Agam sasimpang djalan ka Harau ijo Harau Aka
Barajun kataluak rang Ajia Putiah kasurau Tuangku
Sjech Mudo tapatan dagang dari djauah.

Pihak dek Sutan Nasarudin baduo djo Siti Risani.
Pai kabalai injo sabanta didjalani hilia djo mudiaik di-
tampuan kadaian kasadonjo dibali barang nan katudju
salasai pulo nan bak kian bakato Siti Risani. „Mano-
lah tuan djanjo hambo harilah lewat pukua duo elok
lah kito basugiro ijo kataluak Ajia Putiah nak sanang
pulo bati hambo niat nak njo sampai idjab djo kaul nak
samarono buliah nak tantu bumi tampek tagak nagari
mano ka kito uni“. Lalu mandjawab Sutan Nasarudin:
„Malah baitu kato adiak hambo manuruik tantang itu
tidaklah hambo duo bitjaro“. Badjalan sanan kadoonjo
bakato sanan Sutan Nasarudin: „Manolab tuan sopir
oto elok barangkek kito kini harilah baransua patang
djuo“. „Kalau baitu kato tuan kito barangkek malah
lia“ Namun sabanta padjalanan djauah basarang ham-
buangku Sjech Mudo. Aluran diri baliau itu tadanga
merun buni oto mandjanguah kapintu gadang malibek
mudo kahalaman tampaklah sapasang anak mudo satu-

po balam tabang sakawan sikua djantan sikua batino.

Tampaklah tando alamatnjo nan tipih datang mala-jang nan bulek datang manggolong tando ado rasaki tibo lalu dituruik kahalaman sidang babaso djo basi lalu dibao naiak kar umah disadiokan minum dengan ma-kan. Namun sabanta antaronjo alah sudah minum de-ngan makan salasai marokok makan siriah rundingan kalua dek Sutan Nasarudin: „Manolah Tuangku Sjech Mudo sabab kami datang karnari bana gadang mukasui-k disangadjo sadjak samulo dari kampuang Kualo Ajia Merah dari Malaju Kampuang Dalam mamintak nan kawin sapandjang adat ijo nan lazim manuruik sjarak nan sa-barih dalam agamo kito warih nan dari nabi kito”.

Mandjawab Tuangku Sjech Mudo: „Manolah rang mudo djanjo hambo ado saketek hambo tanjokan siapo koh garan namo rang mudo siapo namonjo parampuan nangko. Apo sababnjo damikian apokoh siliknjo nan di-kampuang mangko isadjauah iko bana”.

„Sipatan untuang badan kami mulo salaku damikian ditjuwaikan sagalo, parasian dari awal sampai achirnjo sabuahpun tidak nan tingga ditjuritokan kasadonjo kini potang maklum pado Tuangku”, katonjo Sutan Nasarudin

Tamaruang Tuangku Sjech Mudo bakato injo maso itu: „Kok djadi bana nikah dikampuang tantu ma-nambah doso sadjo karano tidak satudju kaduo balah pi-bak apo karadio tidak samupakat tidak sarasi batjam-pua baua nak bak kutjiang dengan andjiang apo kato-s ami tidak didanga itu larangan kitab Allah pantangan diri Nabi kito parintah suami tidak dituruik larangan-jo kok ditampuh djiuo dikutuki Malaikat siang malam k nai seso dunia achirat”. Pihak dek Tuangku Sjech Imam

Mudo dipikia sungguah2 samaso itu dikana pitua guru ditimbang buruak djo baiak dipandang zhahir djo bathin tasokan tidak dilarang sjarak lalu diambiak kumajan putih dipanggang basugiro. Diuraikan idjab dengan kabul lalu didjawek dek Sutan Nasarudin idjab sudah kawin salasai alah sanang hati Siti Risani. Kununlah dek Sutan Nasarudin diambiak dompet dari saku dikalukan pitih uang karateh tukaran nan duo puluah limo lalu diundiukkan kapado Tuanku Sjech Mudo ijo sidakah garan namonjo. Didjawek dek Tuangku Sjech Mudo. „Masja Allah, Alhamdulillah”. Sanan bakato Sutan Nasarudin : „Mano Tuangku Sjech Mudo dek karano kahandak alah babari pintak nan alah balaku niat dengan nazar alah lapeh tipak dibadan diri kami namun sakrang kini nangko mamohen mintak dilapeh kami dahu-lu kudian kok lai umua samo pandjang tidak ado maro malintang ditolong Allah dengan Rasul babaliak kami kamari”.

Alah buliah izin dengan tilah dilapeh dek Tuangku Sjech Mudo dengan sagalo sanang hati basalam salaman dek kabatjarai hanjo lai lalu naiak ka ateh oto ijo Sutan Nasarudin duo djo Siti Risani dilihek arlodji maso itu hari lah pukua tigo oto barangkek hanjo lai.

Salamo lambek nan didjalan lah tibo di Agam Buittinggi himpunan Luhak nan tigo pusek djalo kumuluan ikan didjalan malereng bukit taruih sakali manudju katampek panginapan disonseng dek budjang pajajan dibao sagalo tas djo kopor taruih sakali kadalem biliak. Hariyah lewat wakatu Asjar hampia badjawek djo Magrib liganti pakaian maso itu lalu pai mandi kawonjo lah salasai pulo mandi babaliak kadalem biliak

nasilah talatak dek budjang palajan tjukuik makanan djo minuman. Alah sudah makan dengan minum lalu tagak sakutiko ijolah Sutan Nasarudin mantjaliak injo kagam bar dindiang. tampaklah gambar kota Medan lalu bako maso itu : „Adiak kanduang Siti Risani kamarilah kau tagak libeklah gambar kota Medan kok ka ijo djuo kito kakijun”. Kununlah Siti Risani tagak sugiro maso itu dilihek malah gambar nantun. „Lai tampak dek kau rumah gadang sabuah talatak ditapi labuah rantjak nan bukan alang2 itulah kantua B.P.M. konon namonjo disanan bambo dahulu bakaradjo djadi karani samaso itu labiah kurang limo tabun hambo karadjo disinan lai dapek surek baranti satjaro elok”, katonjo Sutan Nasarudin. Mandjawab Siti Risani: „Tuan kanduang djanjo hambo kalau dipikia di kiro2 ditimbang awal dengan achir dikana untuang badan kito elok barangkek kito kini2 ijo ka Medan Banda Sapuluah disanan malah kito tingga kok pulang kito kini kakampuang dunسانak kanduang nan kaberang korong kampuang njatolah bantji mandeh djo bapak usah disabuik lai urang nagari mahinokan pulo manggalakkan kito kasadonjo”.

Bakato sanan Sutan Nasarudin: „Adiak kanduang rakanan sajang hubungan tjinto nan tak sudah buah hati limpo bakuruang ubek djariah palarai damam kalau baitu kato adiak nak titih dari dalam hati alah saung hati mandangkan sadjuak di dalam kire2 kudian koe lai umua samo pandjang kok lai kito batasaki kito bakirim malah pulang paubek hati ibu djo bapak apnjalo koknjo padam namun sakarang iko kini sakit sa nang kito tangguangkan baitu urang pai marantau kok tidak nan bak kian eloklab kito tingga dikampuang”.

Limbak nan dari pada itu tipak dibadan diri hambo nan labiah bana hambo rusuahkan pada wakatu iko kini balandjo ba kurang2 rasokan tidak sampai manjasm-pai kok tumbuhan sakit ngilu paniang kok dapek damam tangah padjalanan kamano kito kabatenggang kan adiak lah samo tahu djuo baitu banalah untuang hambo".

Mandjawab Siti Risani: Tuan kanduang djanjo hambo djundjungan dunia djo achirat ikatan kasiali tjint-to hati pautan rindu djo dandam. Aluran balandjo naan tuan risaukan sakit djo paniang naan tuan hetong itu naan djangan tuan risaukan sakit djo damam tidak batjarai elok djo buruak biaso tumbuhan sakit djo sanang tumbuhan sandiri tidak dapek kito mahilakkan walau kito tingga dikampuang tidak dapek dilarang ibu djo bapak djandjian djuo naan musti kito tapati namun babarib di makan pahek namun ratak mandjalang patjab. Kalau sakadar kabalandjo usahlah tuan tjameh bana malah habih ringgit ameh naan tigo buah nangko habih pulo g Lang djo tjintjin pakaian naan banjak baitu pulo kamano kito kabatenggang habih aka tatumbuak paham di sinan bagian kito tapati". „Kalau bak itu kato adiak tidak dapek hambo mambandiang barisuak kito basugiro barangkek", katonjo Sutan Nasarudin.

Pado wakatu itu djuo tadanga lontjeng rumah djago babunji duo baleh kali didjanguahi kadjaadela kironjo sangaik langang bana sanan bakato Sutan Nasarudin. „Adiak kanduang Siti Risani eloklah tidua kito dalulah laruik bana hari ruponjo rundiang paparan lahi banjak buliah sugiro pulo kito djago barisuak", katonjo Sutan Nasarudin. Sanan mandjawab Siti Risani: „Kek lahi baitu kato tuan kanduang ijo pulo itu kironjo ma-

to hambopun alah mangantuak".

Alah salasai nan bak kian tidualah sajang baduo di dalam kulambu rumin sananlah kasiah disampaikan pulang maklum ka naa tabu tantulah paham pada kito.

Sadang kapado suatu hafi diranah di Bukittinggi himpunan Luhak naa tigo agaklah nan samaso itu duo kali ajam bakukuak tjukuik katigo hari siang alah mam-bajang tjahajo matohari dibaliak gunuang Marapi hari baransua tarang djuo alah kiro2 pukua anam samaso itu tampaklah urang baduo tagak diparantian oto dibawah kaki Djam Gadang rantjak nan bukan alang kapalang pakai setelan putiah salalu badasi hidjau topi panama sadang manih patuiknjo tibo disabalahnjo tagak surang parampuan pakai kabaja potongan Banduang bakain ba-tiak-Pakalongan antiang2 subangnjo parmagto intan ba-kilauan dipandang mato bapaniti ameh didadonjo hitam satitiak dipipi kida barombak dibao galak kalau ditjati didalam Luhak naa Tigo di Lareh naa Duo nangko ti-dak basuo katandingannjo. Kok ijo itulah garan nan si upiak Siti Risani Kambang Kanango Kampuang Dalam anak dek Tuangku Imam Mudo naa surang lai ijoloh Sutan Nasarudin rang Piliang Bungo Inai anak dek Da-tuak Radjo Alam sajang nak barangkek manudju kota Medan kanagari Banda Sapuluah.

Lah putuib parundingan maso itu dengan sopir oto naiklah Sutan Nasarudin sarato dengan Siti Risani kade-lam oto alah dimuek pulo sagalo barang2njo sasndah dibajia seo panginapan barangkeklah oto maso itu. Hi-janglah ranah Bukittinggi alah taraso batuka udaro ha-dan sanan bakato Sutan Nasarudin: „Adiak kanduang Siti Risani hambo lihek hambo pandangi barubah tu-

ponjo roman adiak sarupo urang manaruah rusuah apo bana nan adiak risaukan kabakan malah padō hambo kini djuo nak dapek hamo mamahamkan". Bakato Siti Risani sambia manjeka ajia mato: „Tuan kanduang Sutan Nasarudin tidak ado nan hambo rusuahkan tju-ma hambo takana di adiak kanduang hambo nan banamo Siti Rusinah ba apolah garan injo kini injo nan sadang lalok awak tinggakan namun dimalam samalam nantun awak baduo lalok dibiliak banta sabuah dipakalang kain pandjang sahalai baduo kiro2 pukua duo baleh ditengah malam nantun sadang injo talamak lalok hambo bateh djo banta guliang kalua hambo dari biliak lalu turun kahalaman. Antah bak mano injo kini mandeh djo bapak antah basigilo anak baduo tingga surang hilang nan tidak tantu rimbonjo hanjuik nan tidak tantu muaronjo kok untuang lai tabukak latjih masin djahit disanan ado surek hambo tinggakan",

Mandanga tjurito Siti Risani barubah roman mukonjo Sutan Nasarudin bagai kabuik manganduang hidjan takana sanan kasalahan tabajang ruponjo Siti Arabamah kesiah nan djolong basusuak duo hari baru sasudah kawin badjalan nan tidak babaliak lai takana mandeh djo bapak tatjinto kampuang djo hilaman. Aluran minum dengan makan mintuo alah pajah manjadiokan sadang sajang awak badjalan ba apolah kaba baritonjo kini mandeh djo bapak dapek malu gadang antah pabilo dagang kapulang lai mungkin tidak tadadjak tanah tapi.

„Adiak kanduang Siti Risani usah pangana dipandjang usah dikana korong kampuang nembao barek paratian koknjo manusah kamudian bak kato2 pipat Malaju: „Kok takuik dilimbua pasang usah baranah

ditapi pantai". Tipak dibadan diri hambo labiah raso-
njo dari kau kalau dituruukkan dajo Sjetan pado sa'at
iko kini namuah mangamuak 'badan diri mamikiakan
malu nan sangat gadang ibu djo bapak tabao rendong
sadjo korong kampuang kanai miangnjo kok tidak djan-
dji djo amanat tidak kadjadi badan bak nangko tjubo-
lat pikia dek adiak kanduang lorong kapado Siti Ara-
baeah djandji harek nan hambo ungkai tantu lah pa-
neli sadjo injo manantikan pai nan bak raso lai kababa-
liak", katonjo Sutan Nasarudin.

Malengong injo kakida tampaklah sabuah merek nan
tatulih Padang Sidempuan tatjangang Sutan Nasarudin
rundingan baranti sakutiko bakato urang sopir oto:

„Manolah tuan djanjo hambo baranti malah kito
disiko hauih djo lapa alah taraso". Mandjawab Sutan
Nasarudin: „Alah patuik kito baranti sadjauah iko kito
badjalan tantu manaruah litak djo hauih".

„Tuan sugiro hanjo lai masuak kadalam lapau nasi
baitu djuo nan biaso kalau di Padang Sidempuan paran-
tian sagalo oto biapun nan datang dari Medan.."

Lorong kapado Siti Risani duo djo Sutan Nasarudin
dibukak sabuah bungkusun diambiak limun saboto safato
roti nan sapotong lalu dimakan maso itu. Tidak lamo
antarono datanglah sanan urang sopir oto diparesonjo
ban oto ka ampeknjo tidak ado nan rusak lalu ditam-
bah minjak dengan ajia. Agaklah nan sainaso itu aluran
kapado Siti Risani pa hilang2kan rusuah nak djan dira-
gu sjetan djuo diambiaknjo kutjapi Djapang pamenannjo
tiok hari lalu dipatiak maso itu dipatiak djo djari ta-
ngah ditingkah djo djari manih bakilauan tjabajo pat-
mato intan didjarinjo. Ba matjam2 lagudjo maso wanton

adang2 Karontjong Pandan adang2 lagu Masir djo Hindustan lagu Salendang Majang kasudahannjo.

Kununlah Siti Risani taranglah pamandangan sakutiko bak gunuang ditinggakan kabuik lupo dikampuang djo halaman pihak kapado urang nan diparantian motor nantun batanjo injo samo injo: „Alah banjak pulo kito mandanga lagu Karontjong Pandan sarato lagu Salendang Majang balun sarupo iko bana antah kutjapi kolah nan elok antah urangojo nan pandai malagu”.

Salamo lambek nan bak kian bakato urang sopir oto: „Eloklah kito basugiro barangkek kini nangko rantaui djaueh nan ka kito djalang”. Mandjawab Sultan Nasarudin: „Kito ansua malah badjalan”. Lorong kapado Siti Risani mangutjapkan salamat tingga dilembai djo saputangan kapado urang nan banjaktu ba bagai2lah parasaan surang2 manaruah riadu dandam didalam hati tapi ba apolah katenggang badan awak nuri didalam tjamin taruuh malihek sadjo kito nan buliah”.

Namun sabanta padjalanan oto badjalan ladju djiuo mandanguang bak buni kumbang kasiak dilabuh bak disimbang namun dek Siti Risani bakutjapi nan tidak dihantikan panek injo bakutjapi digantikan dek Sultan Nasarudin .ba ganti2 injo manjanji samo pandai kaduenjo. Dek lamo lagu malagu riintang bakutjapi djiuo tidak taraso panek didjalan djalan djaueh batambah dakek salamo lambek nan didjalan kok djaueh samantaro dakek hampia katibolah injo garan ijo dikota Medan dilihok kiri djo kanan dipandang hilia djo mudiaik rami urang bukan kapalang bagai kaluueh beba patang sapantuun anaiz bubuuh. Dialiah pandang sakutiko ka toko gadaang batimba djalan kadaian ketek salo manjalo ba matjima?

ru po paniagoan pahimpunan sagalo bangso Arab djo India. Inggirih djo bangso Eropah Tjinopun banjak disanap. Pado maso dewaso itu rang mudo Sutan Nasarudin baduo djo Siti Risani lalu disimpan malah kutjapi otopen taruih djuo badjalan manudju sabuah rumah makan tibo dihalaman rumah makan oto baranti hanjo lai tibolah palajan manjonsongkan lalu diangkek sagalo kopor dengan tas dibao kadalam sabuah kamar biliak-jo gadang lagipun barasiah tampek tidua basi buatan Inggirih tjukuik kasua djo bantanjo basiperai kain putih salalu bakalambu kain suto batarawang tjukuik djo medja dengan kurisinjo.

Agaklah dek Siti Risani diambiak pitih dari dompek lalu dibajia seo oto lalu bakato maso itu. „Ikolah pitih saratuih limo puluah rupiah lagipun iko limo rupiah lai sabagai paresen iko namonjo tarimo kasih kami pintak rilahkan malah padjarihan“. Lorong kapado sopir oto sananglah hati mandangkan lalu ditarimo malah seo oto sarato mangutjapkan tarimo kasih barang-kek malah injo lai. Pihak dek Sutan Nasarudin duo djo siupiak Siti Risani taruih kakamar hanjo lai tibo didalam biliak ditjaliak sadonjo alah tatatur dilihek djam maso itu hari alah lewat pukua anam sandjo lampu lah hiduik hanjo lai. Lalu pai mandi keduonjo mandi batu-rab djo ajia bungo salasai mandi keduonjo babaliak ka-dalam biliak lalu dituka pakaian djo nan barasiah alah babadak djo basikek dilakekkan pulo minjak wangi ha-tunlah biliak samaso itu.

Ditjaliak diateb medja nasilah tahedang djo sambanojo tjukuik pamakanan djo minumannojo lalu makan basugiro sapanglah hati keduonjo mukasuik sampai nan

diamala alah patjah sansaro nan tidak ado manimpo basuko hati kaduonjo gilo bagaluik djo bagurau maklumlah kito tantang itu urang nan mudo matah baru.

Adolah kapado satu hari agak dek Sutan Nasarudin sasudah minum djo makan dilihek hari pukua salapan pagi bakatolah injo maso itu: „Adiak kanduang Siti Risani ado nan takana di kiro² taguriah didalam hati hambo padosakarang kini nangko handak pai badjalan mandjalang waktu Luhua pai mantjari tampek kardjo tolong malah dek adiak djo do'a kok lai untuang kito kaelok dapeklah karadjo handaknjo ditampek hambo bakaradjo dahulu”. Sanan mandjawab Siti Risani „Tuan kanduang Sutan Nasarudin djundjungan dunia djo achirat kok baitu kato tuan hambo nan tidak duo bitjaro apo parentah hambo turuik apo amanat nak hambo pegang alah kasanang batih tuan”.

Pihak dek Sutan Nasarudin baru mandanga kato nan bak kian galak tasanjum maso itu lalu badjalan hanjo lai lapeh nan dari rumah makan manampuan djalanan nan sangat rami oto banjak betjapun banjak ben-di karetapun banjak pulo. Allahu Rabbi raminjo ummat sapantun anaiz bubuih bak kaluang beba patang toko banjak batimba djalan salamo lambek nan didjalan tampaklah sabuah rumah gadang tigo tingkek tingginjo rumah nantun tampaklah pulo mereknjo B.P.M. maskapai minjak barangnjo nan sangat laku bana dilauik diditek dipakai urang saedaran bumi dunia nangko.

Kununlah Sutan Nasarudin masuaklah injo kadalam kantua batamu dengan surang tuan ijomah tuan kapalo dati maskapai itu mambari salam diangkek tangan dimbiak surek saputjuak diundjuakkan kapado tuan tadi:

Alah ditarimonjo surek nantun lalu bakato maso itu : „Kalau angku namuah bakaradjo disiko buliah bakaradjo didalam gudang mangaradjokan sagalo pambukuan mangapaloi gudang dapek gadji tudjuah puluah limo sabulan”. Mandanga kato nan bak kian mandjawab Sutan Nasarudin : „Kalau baitu parentah Tuan hambo taruno dengan sagalo sanang hati barisuak hambo muloi bakaradjo mintak parmisi hambo kini”, lalu mamberi salam handak badjalan pulang.

Badjalan Sutan Nasarudin kaluwa dari kantua nantun manampuah labuah nan rami tidak tabado gadang batu karadjo dapek bapangkat pulo badjalan djuo basilambek malihek kiri djo kanan banjaklah rumah nan baru sudah nagari lah lamo ditioggakan labiah kurang tigo tabun salamo lambek nan didjalan dalam ba pikia2 djuo alab tibo di rumah panginapan taruih sakali manudju kakernar. Kununlah Siti Risani sadang duduak badjuntai dikurisi injo mambatjo surek kaba tadanga daram sipatu tasirok darah didado tatjampak surek kaba dari tangan lalu disonsongkan kapintu gadang dibukak sanan piotubiliak alah tampak Sutan Nasarudin lalu babimbiang bapegangan tangan taruih kadalam biliak. Lorong kapado Siti Risani batanjo injo maso itu. „Tuan den Sutan Nasarudin apolah kaba nan dituruik laikoh dapek bakaradjo”. Mandjawab Sutan Nasarudin : „Kok itu adiak tanjokan barakat mamintak kapado Allah batolong djo do'a adiak batamu ruweh djo buku lai elok suratan kitö Allah Ta'ala kajo sungguah sasudah hambo barikan surek baranti nan dahulu alah sudah surek di batjonjo lalu bakato : „kalau lai namuah bakaradjo alah buliah bakaradjo digudang sebagai Karani maurus sagalo

pambukuan dapek gadji tudjuah puluah limo".

Agaklah Siti Risani mandanga kato suaminjo alah suko didalam hati sananglah pikiran maso itu rasolah buliah gunuang ameh barang nanlah hahih tadjua kok lai babaliak didalam kapado maso itu datanglah palajan rumah makan mambao nasi djo hedangan lalu dilatakan diateh medja. Dek urang Sutan Nasarudin duo dio Siti Risani lalu makan hanjo lai namun sabanta antaronojо salasailah makan dengan minum. Aluran dihari sanhari nantun rintang mambatjo buku2 puweh mambatjo injo bagaluik panek baguraudjo bagaluik tatidua sajang kaduonjo sakali ajam bakukuak tjukuik kaduo harilah siang alah mambajang fazar Subuah hari barasua tang djuo tasintak Sutan Nasarudin ditjaliak hari alah pukua anam pagi lalu pai kakamar mandi salasai nan bak kian lalu babaliak kadalam biliak ditjaliak maka nan alah tasadio tjukuik djo kopi dengan roti.

Kununlah Siti Risani alah djago pulo injo maso itu lalu taruuh inio pai mandi sasudah mandi djo basikek sanan bakato Sutan Nasarudin : „Adiak kanduang Siti Risani nan dihari kini nangko hambo muloi bakaradjo usah badjalan kaluwa nantikan hambo pulang karadjo baike sapulang dari kantua kito pai ba samo2 pai mantjari rumah untuak diseo kalau kito disiko djuo tingga tantulah pitih nan tidak sadang manjadang": Dek urang Siti Risani mandjawab injo maso itu : „Kalau bak itu kato tuan hambo tarimo djo suko hati manuruik hambo tantang itu agak sugiro malah tuan pulang".

Sadang kapado suatu hari kiro2 pukua tudjuah pa-
gi digudang B. P. M. minjak tanah tampaklah surang
Kataninjo dilihok rupo djo tampanjo sarupo urang Mi-

nangkabau pakaianjo putiah salalu pakai dasi batopi panama gadang balun ketek talampau sadang manih dipandang mato mandanga tutua bahasonjo lamak manih kito dangakan tabao adat Minangkabau pada wakatu itu djiuo datanglah surang tuan pagawai maskapai itu djiuo lalu manjaraikan buku2 kapado Karani tadi alah sudah ditarimo dek Karani lalu dimasuakkanno kadalam lamari salasai sagalo kataranganno apo nan kadikeadjukan barisuak pagi. Pado wakatu itu hari alah pukua satu tuan barangkek lah tu kini lalu diberikanjo pitih wang karateh saratuih duo halai uang parsekot garan namonjo ditarimo dek Karani sarato mangutjapkan tarimo kasih. Siapo garan Karani nantun tidak lain tidaklah bukan ijolah Sutan Nasarudin anak rang Kampuang Katinggian dalam daerah Lubuak Basuang djundjungan dek Siti Risani Kambang Kanango Kampuang Dalam anak rang Kualo Ajia Merah.

Pado maso dewaso itu harilah lewat pukua satangah duo hauih djo lapa lah taraso wakatu makan nanlah tibo lalu disimpan malah buku2 kadalam lamari dikunjji pintu gudang hanjo lai manudju pulang katampek kadiaman. salamo lambek nan didjalan alah tibo dirumah Panginapan didapati Siti Risani sadang duduak2 dikurisi sadang ma lantua2kan djari sanan bakato Sutan Nasarudin: „Manolah adiak kanduang hambo ubek djariah palarai damam hubungan kasiah tjinto hati minum makan malah kito dahulu hauih djo litak alah mandatang”.

Takadjuik Siti Risani datang nan tidak di sangko2 uwak nao sadang dalam lamunan sanan bakato Siti Risani: „Tuan kanduang badan diri nasi harian nan alah dingin tatjameh hambo mangiroi bantjano kok ado nan

manimpo". Mandjawab Sutan Nasarudin: „Adiak kan-duang Siti Risani marilah kito makan dahulu”.

Sasudah makan dengan minum salasai marokok nan sabatang bakato Sutan Nasarudin: „Aluran dibadan diri kito nasib djo suratan nan ka kito turuik tantangan hambo mangko talat pulang hambo alah muloi bakara-djo tjako ijo dikantua gudang B.P.M. sebagai Karani gudang dapek gadji tudjuah puluah limo rupiah sabulan hambo tarimo uang porsekot sabanjak duo ratuuh rupiah untuak pambali barang2 nan paralu untuak pakakeh rumah dirumah nan ka kito seo”. Sananglah hati Siti Risani mandangkan sadjuak didalam diro2 galak tasanjum mandangkan aluran dihari sahari itu badjalanlah injo baduo pai pasija kolah garan mangalilingi kota Medan sambia mantjagi rumah nan ka diseo. Dek untuang takdir Allah dapeklah rumah nan ka diseo sasuai paretongan tantangan seonjo babaliak pulang maso itu ijo karumah Panginapan.

Bakamehlah injo maso itu lalu dibajia seo kamar alah salasai nan bak kian diseo oto sabuah pambao pakakeh rumah tinggalah injo dirumah seoan disimpang ampek namonjo garan diranah kampuang urang Malaju rumah rantjak ditapi labuah bapakarangan dihalamanno

Dipandang ka ateh rumah tjukuik medja djo kuri-sinjo langkok sagalo pakakeh rumah tanggo sananglah hati kaduonjo habih hari baganti bulan alah anam bu-lan pulo kalamonjo hiduiknjo rukun dan damai naruuh turuik mampaturuikkan pangadja ibu djo bapak nan tidak dilupakan pitua guru nan dipakai manuruik garih djo balabeh Sjirak dipakai Adat tabao dek takuik kabai Kiparat Nabijullah takuik kapado Kutuak Allahi.

Dek udjuik satu pangana bunta barakat mamintak kapado Allah barang nan tagadai alah tatabuih kok barang nan tadjuu alah tabali baliak tasabuik tjintjin djo galang paniti djo dukuan ameh sarato rupiah djo ringgit ameh alah langkok babaliak kasadonjo. Koknjo babaliak pulang kakampuang ijo kadjerok Tandjuang Sabaliak ka Kualo Ajia merah ka Malaju Kampuang Dalam rasolah talipua djadjak nan lamo raso taubek hati ibu djo bapak.

Ajia djaniah ikannjo djinak lauik tanang angin salasai galah djatuah dendang tabanti kalam patah datwat tatunggang tidak dapek manjurek lai.

TAMMAT

Aluran diri nan mangarang anak rang korong ranah dibaruah hanjolah tahu dek batanjo koknjo ado tuturan nan tidak satudju rundiang paparan banjak nan salah malampau patuik djo sasuai małangga Sidiq djo Bana tagandiang taratib djo sopan kok tidak saluran. Adat nan lazim Sjaraq nan Qawi am-pun djo ma'af hambo pintak.

Bukittinggi 30 Desember 1937.





89